

Saveen Tau Ipaghazon ai Ngar Yongaan a To Maaron Kamapim Tok Hait—Revelation

¹ Saveen tane isavia gabua tau muun tighen ngozaan ila to Maaron mon, ve aazne Yesu Krisi ivoti zi gha tivot tighazon wa. Maaron ighe besoonja to Krisi tiwatagh gabua tau malau mako pale tivot itaghon ngar tooni. Tauta igham saveen tane pa Krisi. Ra Krisi aana imbaan anela tooni ilam ivotia saveen tane pa yau Yoan, besoonja tooni.

² Gabua naol tau rau tane isavi zi ne, taug naghiti zi pa matag. Tauta napariaan saveenja naghe ene saveen onoon to Maaron tau ipariaan tamtamon to tighur ila to Yesu Krisi. *

³ Saveen tau naboode ila rau tane, ene Maaron tauu aliina tau inarui ghiit. Sei tau ighe iwaato pa tamtamon, ene pale poia to Maaron izaa tooni. Ve yes tau tiloonja ve titaghoni na paam, poia to Maaron pale izaa toozi. Pasaa, saawe to saveen tane ighur anoonja, ene ilam igharau wa. *

Rau tane inarui lupuun liim ve ru to Krisi

⁴ Yau Yoan. Nabood rau tane ilat pa yam lupuun liim ve ru to Krisi tau aleep izi taan sirivu to Asia na. Maaron toit, i ileep irau saawe. Ileep muun

* **1:2:** Dan 2:28+; Syt 22:16 * **1:3:** Lu 11:28; 1Pe 4:7; Syt 22:7, 10

geeg, ileep aazne, ve murei, i pale ilam. I tauu, tomania Yesu Krisi, ve Avuvu liim ve ru *
tau tileep ila Maaron naagho igharau niia to ghamuun pooz na, poia toozi pale iza tsiam, ve tingin gham aleep poia toman lolomim luuma. Onoon.

⁵ Yesu Krisi, i loolo eemon, ve ipariaan saveen onoon. Leso tamtamon tighur ila. I ta iburig pa mateegh imin maata. Ve i ta imuun pa gabua naol isov, ve inginiir kinik tisov to taan. I loolo igheen toit kat. Tauta sinj tooni imalinj pa sosor toit, ve ipas ghiit tavot pa saghati tapiri. *

⁶ Ve igham ghiit tamin i tauu le. Leso tatotoi pooz tooni pa tamtamon, ve tabees pa Taama Maaron imin zeran to watoonrau. Yesu Krisi, i eeza tiina pa tapiri ve poia tooni, ve ingin gabua naol isov. Tauvene iit aat tapakuru ta aazne ve taghon taghon gha ila. Onoon. *

⁷ Aghita. I pale ileep ila taitai ve ilam, ve tamtamon tisov tighita pa matazi.

Yes tau tiravu imaat na, pale tisov tighita paam.

Tauvene nughmarinj to taan pale tighita, ve titanj tiina.

Onoon kat. Gabua tane pale ivot. *

* **1:4:** Pai katini, isaav ighe Yoan isavia gabua liim ve ru, ene puughu tauvene. Gabua tana, sirivu mako. Ene gabua eemon, ve dodoli. Ve gabua tana poia kat ve duduunja mon. Le sosor eta mako. Zeran ngara siriv tigde avuvu liim ve ru tane tizaa to gabua dodoli eemon, ene Avuvu Patabuyaanj. Eemon ngara siriv tigde avuvu liim ve ru tane, ene anjela liim ve ru tau timin daaba pa anjela tisov.

* **1:5:** Mbo 89:27; Yo 18:37; 1Kor 15:20; Syt 19:16 * **1:6:** Igham 19:6; 1Pe 2:9; Syt 5:10 * **1:7:** Dan 7:13; Sek 12:10; Mt 24:30

⁸ Tiina toit Maaron ileep irau saawe. Ileep muun geeg, ileep aazne, ve murei, i pale ilam. I saksaki ve ingin gabua naol isov. I isaav ighe: “Yau naleep mungaan, ve naleep murei geeg. Namin gabua naol isov puughu, ve yau ta napasov zi.” *

Krisi ighur uraat pa Yoan ighe ibood saveen tane

⁹ Yau Yoan, tonvetaz tsiam. Yau namin etamim pasaa, Yesu igham ghiit tamin le, ve itinja taleep ila pooz tooni loolo wa. Tauta tamtamon tighurghur patañani pait. Eemon iit tayooz ariaan pa badoon patañani tau ighamgham ghiit ne. Aazne, tiziir ghau nalam naleep izi sisi Patmos pasaa, navotia Maaron aliinja pa tamtamon, ve napariaan zi to tighur ila to Yesu. *

¹⁰ Saawe patabuyaan ee to Tiina toit, yau nasun, ve Maaron Avuvu tapiri iza tsiau. Ra naloon bobaan tiina ee ilam pa murig imin tavuur itan. *

¹¹ Isaav ighe: “Gabua tau yo ughit zi ne, ubood zi ila rau, ve uyambaara ila pa lupuun liim ve ru to Krisi tau tileep izi nugh tane: Epesus, Smerna, Pergamum, Tiatira, Sardis, Piladelpia, ve Laodisia.”

¹² Tauvene natoor ghau naghe naghita sei tau isavsaav payau. Saawe tau matag imuul, yau naghita lam aiazi liim ve ru tau tigharaat zi pa gol,

¹³ ve neer ee iyooz ila bodbodaan to lam aiazi tawe. Naagho imin Tamtamon Naatu. I inonogh ghi pa nonoghiinja malaua tau ipoon avaaara le

* **1:8:** Mbo 90:2; Is 41:4; Syg 22:13 * **1:9:** Mbanj 14:22; Ro 8:17; 2Tim 1:8, 3:12 * **1:10:** Igham 19:16, 19-20

ila ipas aaghe puughu. Ve gabua milmlia tau tigharaata pa gol na ilivut gargari.

¹⁴ Daaba raua moom ve ipisoon kat imin sip-sip ooro, ma taitai pisoonja. Ve maata imin yav yaama. †

¹⁵ Aaghe milmlia imin mbaras tau yav ighani le muun ighau ve ingalaan kat. Ve aliinja, ene imin nugh tau yaa tiina iyatyaat izi toman luutu tiina.
*

¹⁶ I ikis pitum liim ve ru ila niima tapir, ve mbuzaagh ee igheen ila aavo. Mbuzaagh tooni, maata kat. Ve mbuzaagh tawe, maata ru. Neer tawe naagho isul imin aaz tau ighaaz kat. ‡ *

¹⁷ Yau naghita neer tawe le tapirig isov, ve natap izi aaghe puughu imin tamtamon tau imaat. Eemon i ikis ghau pa niima tapir, ve isaav payau ighe: “Uroi sov. Yau ta naleep mungaanj ve naleep murei geeg. Yau namin puughu pa gabua naol isov. Ve yau aat nanjin zi tauvene le taan saawe.

¹⁸ Yau naleep matag yaryaare irau saawe. Muun, yau namaat. Eemon ughita. Aazne, naleep matag yaryaare. Ve yau aat naleep tauvene le alok. Yau ta nanjin mateegh ve nugh to yes mateegha.

¹⁹ Tauvene ubood gabua tau ughit zi ne. Gabua tane, aazne siriv tivotvot. Ve siriv pale tivot murei.

† **1:14:** Ziiri tane, ngara tauvene: Yesu ileep muun ve ilam, ve i le ngar tiina kat. Ve i ighita gabua naol isov. Gabua eta irau iyoon pani mako. * **1:15:** Dan 7:9, 13, 10:5+; Syt 19:12 ‡ **1:16:** Saveen ziiri tane, ngara tauvene: Yesu maata pa lupuun tooni, ve saveen tooni imin mbuzaagh to iparav pani ve itatan ngar saghati. * **1:16:** Mt 17:2; Ep 6:17; Hib 4:12

20 Pitum liim ve ru tau yo ughit zi tigheen ila nimag tapir ne, tomania lam aiazi liim ve ru, ene puughu yongaaŋa. Puughu tauvene: Lam aia liim ve ru, ene iza to lupuuŋ liim ve ru to Asia tau nawaat ezazi na. Ve pitum liim ve ru iza to aŋela liim ve ru tau tinŋinŋin lupuuŋ tawe.” §

2

Krisi aliŋa iŋarui lupuuŋ to nugh Epesus

¹ Neer tawe isaav payau muul ighe: “Aŋela tau iŋgin lupuuŋ tsiau tau tileep izi nugh Epesus na, ubood saveeŋ ila pani tauvene:

‘Neer tau ikis pitum liim ve ru ila niima tapir, ve ilaghlaagh ila lam aia milmlia liim ve ru sosozi na, aliŋa ilat payo ighe:

² ‘Ngar ve uraat tau yo *
ughamgham zi na, yau nawatagh zi tisov. Yo urav taum pa uraat tsiau, ve uyooz ariaaŋ pa badooŋ patanani. Ve yes tau tighamgham ŋgar saghati na, yo ughurghur zi mako. Ve yes tau titoom tighe yes mbaŋooŋa to Krisi na, yo ugabiiz katin zi ve ughilaal zi ughe yes zeran to karom. *

§ **1:20:** Grika tiwaat ‘mbaŋooŋa’ ila aliŋazi tighe ‘aŋela.’ Tauvene ŋgara siriv tighe aŋela liim ve ru tane tizaa to tamtamon liim ve ru tau tinŋin lupuuŋ liim ve ru to Krisi tawe. Ve ŋgara siriv tighe aŋela tane, ene tamtamon liim ve ru tau lupuuŋ tawe timbaaŋ zi tila pa Yoan. Ve siriv tighe aŋela tane, ene aŋela duduŋ tau tinŋin lupuuŋ to Krisi tawe. * **2:2:** Saveeŋ tau Yoan iboode pa lupuuŋ liim ve ru to Krisi na, isaav ighe ughita saveeŋ ‘yo’ igheen ila, na ugham ŋgar ughe saveeŋ iŋarui tamtamon eemon sov. Saveeŋ tooni iŋarui tamtamon tisov to lupuuŋ eŋaeŋa. * **2:2:** 2Kor 11:13; 1Yo 4:1

³ Patañani naol ivotvot payo pasaa, yo utaghon ghau ve uvotia ezag. Eemon umbuzir mako. Tinim izaa ve uyooz ariaañ. *

⁴ ‘Eemon gabua ee, ta yau narere ghom pani. Ene vene: Saawe tau ughur ilam tsiau imin maata, lolom igheen tsiau kat. Eemon aazne, lolom payau geeg mako.

⁵ Matam ingal ngar tau muuñ ughamghamu na. Pa aazne, yo utap tiina. Tauvene utoor ngar tsio, ve utaghon ngar tau papazoge ughamghamu na. Ighe mako, yau pale nalat ve napas lam tsio aia ighau pa niia. *

⁶ Ve ngar tsio ite tau yau naghita poia, ene vene: Yes tau titaghon eez ru imin Nikolas na, † yo ughur koi pa ngar toozi tawe imin yau.

⁷ ‘Tamtamon tau ighe le taliña, i aat iloon saveeñ tau Maaron Avuvu isasavia pa lupuuñ to Krisi. Isaav ighe tamtamon eta iyooz ariaañ ve iliiv tovaañ, yau aat nayok pani to ighan ai anooña ila ai tau iyooz izi uum to Maaron loolo. Leso ileep maata yaryaare le alok.’ *

Krisi aliña injarui lupuuñ to nugh Smerna

⁸ “Anjela tau ingin lupuuñ tsiau tau tileep izi nugh Smerna na, ubood saveeñ ila pani tauvene:

* **2:3:** Hib 10:36, 12:3+ * **2:5:** Hib 10:32+ † **2:6:** Nikolas, i ñeer ee tau isavsaav pa yes Kristen tauvene: Isaav ighe tipaak yes matazi dodoli pa ngar toozi, ma tighur boog, ma tighan aniñ tau tipakur maaron karomña pani, ene kaut sorok. Maaron irau maata ila pa ngar toozi tawe mako. * **2:7:** Gnp 2:9, 3:22; Syg 22:2, 14

‘Neer tau ileep munġaan ve ileep murei geeg, aliġna ilat payo. I tau imaat ve iburig maata iyaryaar na, isaav payo ighe: *

⁹ ‘Yau nawatagh: Pataġani naol toman mbolaan tiina igham ghom. Eemon yau naghit ghom naghe yo urau kat pa gabua naol to Maaron. Ve yau nawatagh: Yes Yuda siriv tau yamġa alepleep na tinġalġal saveenġ naol payo. Onoon, zeran tawe tipamir tauzi tighe yes Yuda. Eemon yes Yuda tauu mako. Yau naghit zi naghe yes lupuuġ to Sadan. *

¹⁰ Yau nasaav payo: Malau mako pale pataġani ite paam ivot payo. Eemon uroi sov. Neer Saghati pale ipazaagh tamtamon ve tighur tamtamon tsio siriv tiloġ tila ruum to yavyavuunġ. Pataġani tana pale itoov ghuruunġ ila tsiam. Eemoghon pale igham gham irau mboġ saġavul mon, ve isov. Isaav ighe akis ghuruunġ ila tsiam tunġa le saawe tsiam to mateegh, ene pale nagham lemim atuya to yes tau tiyooz ariaanġ ve tiliiv tovaanġ na. Atuya tawe, ene lepoogh to taleep mataan yaryaare le alok. *

¹¹ ‘Tamtamon tau ighe le taliġna, i aat ilooġ saveenġ tau Maaron Avuvu isasavia pa lupuuġ to Krisi. Isaav ighe tamtamon eta iyooz ariaanġ ve iliiv tovaanġ, i aat ileep poia. Pasaa, mateegh tau imin ru pani, ene irau igham gabua eta pani mako.’ *

Krisi aliġna iġarui lupuuġ to nugh Pergamum

* **2:8:** Syg 1:18 * **2:9:** Yo 8:39+; Ro 2:28+; Yems 2:5 * **2:10:**
 2Tim 4:8; Yems 1:12 * **2:11:** Syg 20:6, 14, 21:8

12 “Anela tau ingin lupuun tsiu tau tileep izi nugh Pergamum na, ubood saveen ila pani tau-vene:

‘Neer tau aliina ilat payo na, mbuzaagh tooni maata kat. Ve mbuzaagh tawe, maata ru. I isaav payo ighe: *

13 ‘Yau nawatagh: Sadan niia to ghamuun pooz igheen izi nugh tau yo uleep pani na, ve i ighamgham uraat toman tapiri tiina ta sena. † Muun, tamtamon tsio ee, eeza Antipas, lolo eemon ve ipariaan saveen tsiu. Iroi mako, ve ighur muuri payau mako. Tauta tiravu imaat izi nugh tsiam. Eemon saawe tana, yo upul ghuruun ila tsio mako. Ve aazne paam, yo ukiskis ezag soone.

14-15 ‘Eemon ngar tsio siriv, yau narere ghom pani. Pasaa, tamtamon tsio siriv titaghon ngar to Balam. Ene nasavia yes tau titaghon Nikolas tomania ziñeera ngar toozi. Matam ingal. Muun, Balam itotoi Balak pa eez to igherev yes Israela pa ghamuun ngar saghati. Tauta igham zi titap pa ghuruun ila toozi, ve tighur murizi pa Maaron gha tighan aniin tau tipakur maaron karomna pani na, ve tighur boog. *

16 Tauvene utoor ngar tsio. Ighe mako, yau pale nalat tsio rekia mon, ve naparav tomania zeran tawe pa mbuzaagh tau igheen ila avog ne. *

* **2:12:** Syg 1:16 † **2:13:** Artaal tiina kat to maaron karom to yes Grika, eeza Zeus, iyooz izi Pergamum. Artaal tawe, ghitoona imin kinik niia to ghamuun pooz. Ve rumei tiina ee to yes Roma iyooz izi Pergamum paam. Pasaa, yes Roma tigde tamtamon tisun pa kinik to Rom, ve tipakuru imin i Maaron. * **2:14-15:** Nam 22:5, 25:1, 31:16; 2Pe 2:15 * **2:16:** Syg 1:16, 19:15, 21

17 ‘Tamtamon tau ighe le taliija, i aat iloon saveen tau Maaron Avuvu isasavia pa lupuun to Krisi. Isaav ighe tamtamon eta iyooz ariaan ve iliiv tovaan, yau aat naghama le aniiij manna yongaana tau ighengheen izi nugh sambam. Ve naghama le maet pisosoonja ee tau tibood eeza paaghu ila. Eeza tawe, eta iwataghi mako. Tamtamon tau igham maet pisosoonja tawe, i mon ta pale iwataghi.’ *

Krisi aliiija injarui lupuun to nugh Tiatira

18 “Anela tau injin lupuun tsiau tau tileep izi nugh Tiatira na, ubood saveen ila pani tauvene:

‘Maaron Naatu, maata imin yav yaama, ve aaghe milmiliala imin mbaras tau yav ighani le muun ighau ve ingalaan kat. Aliija ilat payo ighe: *

19 ‘Ngar ve uraat tau yo ughamgham zi na, yau nawatagh zi tisov. Yo lolom payau ve tamtamon paam. Ve ughur ilam tsiau ariaan, ve ubesbees payau poi, ve uyooz ariaan pa badoon patanani. Ve uraat tsio ta aazne, ene iliiv uraat tau ugham zi imin maata na.

20 ‘Ve gabua eemon ta yau narere ghom pani. Ene vene: Livaa saghati ee ileep tomani ghom. I iwaat tauu ighe i propet to Maaron. Eemon ngar tooni, ene imin Yezebel tau muun ikaukau ngar to yes Israela na. Saveen karom tau i ivovotia na, ene ipapaghau besoonja tsiau pa eez tsiau. Tauta matazi saghati imin ngavuun, ve tighangan

* **2:17:** Igham 16:14+; Is 62:2; Yo 6:48+; Syt 3:12, 22:4 * **2:18:** Syt 1:14+

aniinj tau tipakur maaron karomja pani na. Ve yo uneneej pani mon. Ugham ngar eta pani mako. *

²¹ Yau naghur sooso pani naghe itoor ngar tooni ve ipul ngar tooni to ghuruuj boog. §

Eemon i loolo pa itoor ngar tooni ve ipul ngar saghati tawe mako. *

²² Tauvene yau aat naghham moroghoon saghati ivot pani. Ve yes tau tipaako pa ngar tooni saghati na paam. Isaav ighe titoor ngar toozi mako, ene aat naghur patanjani tiina injarui zi.

²³ Ve Yezebel natja paam, *

yau aat narav zi tisov timataar. Leso lupuuñ to Krisi tisov tiwatagh tighe yau natirtiir tamtamon lolozu ve ngar toozi. Ve yau aat naghur atuya injarui yam enjaena itaghon ngar tsiam tsiam. *

²⁴ ‘Eemon yam siriv to nugh Tiatira ataghon Yezebel ngar tooni mako. Ve saveej tooni tau tiwaato tighe “Sadan ngar tooni yonjaanja” na, yam awataghi mako. Tauvene yau nasaav payam naghe: Irau naghur patanjani ite paam iza tsiam mako.

* **2:20:** 1King 16:31+; Mbanj 15:29; 1Kor 10:19+ § **2:21:** Saveej tane, aat saveej palelaanj. Saveej ziiri naol to buk tane tau isavia ngar to ghuruuj boog, ene ngara tauvene: Tamtamon tighur murizi pa Krisi ve tibees pa maaron ite paam, imin livaa tau ipul azaawa ileple, ve ighur boog tomania tamoot ite. Livaa saghati tau Krisi isavia na, ighegherev yes Kristen to nugh Tiatira gha tibees pa maaron karomja siriv, imin muuj kinik Ahab azaawa Yezebel igherevu gha ipul muuri pa Yoova, ve ibees pa maaron karom Baal.

* **2:21:** Ro 2:4; Syg 9:20+

* **2:23:** Yezebel natja, ene yes tau

tipaako pa ngar tooni. * **2:23:** Mbo 7:9; Ro 2:6; 2Kor 5:10; Syg 20:12+

25 Eemon yam aat ayooz ariaan, ve akis ngar to Maaron tau igheen tsiam na tunja, le saawe to namuul nalam.

26-28 'Isaav ighe tamtamon eta iyooz ariaan ve iliiv tovaan, ve itaghon ngar tsiau le indeen saawe tooni isov, ene aat naghur nugh nugh tileep ila i saamba ve igham pooz pazi, imin Taman Maaron ighur zi tileep ila yau sambag. Ve pooz tooni pale ariaana kat. I pale irav matin zeran sasaghati tapirizi, imin tamtamon tau irav valaghin uur gha imbiris ngiira ngiira. *

Ve yau aat naghram pitum zauja to mbonoozo pa tamtamon tana paam. † *

29 'Tamtamon tau ighe le taliina, i aat iloon saveen tau Maaron Avuvu isasavia pa lupuun to Krisi.'

3

Krisi aliina inarui lupuun to nugh Sardis

1 "Anela tau ingin lupuun tsiau tau tileep izi nugh Sardis na, ubood saveen ila pani tauvene:

'Neer tau Maaron Avuvu liim ve ru tileep toman, ve ikis pitum liim ve ru na, aliina ilat payo ighe: *

'Ngar ve uraat tau yo ughamgham zi na, yau nawatagh zi tisov. Tamtamon tipapait ghom tighle lepoogh tsiam to anunuun, ene iyaryaan kat. Eemon yau naghita ghuruun ila tsio, ene imaat wa.

* **2:26-28:** Mbo 2:8+; 1Kor 6:2+; Syt 20:4 † **2:26-28:** Pitum zauja to mbonoozo, ene iza to Krisi ve saawe paaghu tau pale ivot pa Mbon Murei. * **2:26-28:** Nam 24:17; Is 60:1-3; 2Pe 1:19; Syt 22:16

* **3:1:** Syt 1:4, 16

² Ugheen irao! Uburig, ve upalot ghuruun ila tsio n̄giira tau ighengheen na. Mako pale isov kat. Yau nasaav tauvene pasaa, naghit ghom naghe n̄gar ve uraat tsio, ene iduduun geeg ila Tamañ Maaron maata soone.

³ Aazne, yo umin n̄eer tau igheen le loolo iveegh. Tauvene utoor n̄gar tsio. Saveeñ tau muun ti-savia payo gha ughamu na, matam in̄gali muul ve utaghoni. Isaav ighe uburig mako, yau aat natal napateeñ ghom imin n̄eer to umbuun. Pasaa, saawe to namuul nalam, yo uwataghi mako. *

⁴ 'Eemon yam to nugh Sardis, tamtamon tsiam siriv tin̄gin tauzi poi, ve tipatint̄nai nonoghiina toozi mako. Tauvene yes popoiazi irau to tinonogh zi pa nonoghiina pisosoon̄a, * ve yeña nilup ghei pa laghoon. *

⁵ 'Isaav ighe tamtamon eta iyooz ariaañ ve iliiv tovaañ, ene aat yau naghām le nonoghiina pisosoon̄a to inonogh ghi pani. Ve eeza tau igheen ila rau to lepoogh maata yaryaare na, irau namusu ilale mako. Pale navotia tamtamon tana eeza ila Tamañ Maaron tomania aņela tooni naghozi, ve naghe i tamtamon tsiau. *

⁶ 'Tamtamon tau ighe le taliina, i aat iloon saveeñ tau Maaron Avuvu isasavia pa lupuun to Kriſi.'

Kriſi aliina in̄arui lupuun to nugh Piladelpia

* **3:3:** Mk 13:33; 1Tes 5:2-6; 2Pe 3:10 * **3:4:** Nonoghiina pisosoon̄a, ene imin ilaal pa yes tau gabuazi ve n̄gar toozi in̄galaan ve iduduun mon ila Maaron maata. Ve tiparav ariaañ ve tiliiv tovaañ naol to Sadan. * **3:4:** Syg 6:11, 7:9+ * **3:5:** Mt 10:32; Lu 10:20; Syg 19:8, 20:12, 21:27

⁷ “Anjela tau ingin lupuun tsiu tau tileep izi nugh Piladelpia na, ubood saveen ila pani tauvene:

‘Ene saveen to Neer tau patabuyaaj kat ve ighamgham ngar onoon mon. I ta ikis ki to David.

†
Tauvene isaav ighe i ikaak ataman, tamtamon eta irau ipoona muul mako. Ve isaav ighe ipoon ataman, eta irau ikaako muul mako. I aliija ilat payo ighe: *

⁸ Ngar ve uraat tau yo ughamgham zi na, yau nawatagh zi tisov. Onoon, yo tapirim tiina mako. Eemon matam kisin saveen tsiu ve utaghoni, ve upaisamun ezag mako. Ughita. Yau nakaak ataman ee ila naghom wa. Ve tamtamon eta irau ipoona mako. ‡ *

⁹ Yau nawatagh: Yuda siriv tighamgham patanjani payo. Zeran tana tigham ezazi sorok tigde yes Yuda. Eemon tigham karom. Pasaa, yes titaghon dudunai Yuda ngar toozi mako. Yes tileep ila Sadan lupuun tooni. Tauvene yau aat naghom zi tilat tiput aghezi ila aghem puughu, ve tipakur ghom. Leso tighilaal tigde yau lolog igheen tsio kat. *

¹⁰ Pasaa, yo matam kisin saveen tsiu ve utaghoni, ve uyooz ariaaj pa badoon patanjani. Tauvene yau aat napaghau ghom pa tovaaj tiina tau pale ivot pa tamtamon tisov to taan.

† **3:7:** Saveen ziiri tane, ngara tauvene: Yesu ingin gabua naol isov ve ighamgham pooz pazi imin muun David igham pooz pa yes Israela. Saa ngar tau i ighe ighamu, ene i irau ighamu. Gabua eta irau ikeeka mako. * **3:7:** Syg 1:18, 19:11 ‡ **3:8:** Saveen ziiri tane, ngara tauvene: Krisi igham eez poia ivot pa yes Piladelpia to tigham uraat tooni. * **3:8:** 1Kor 16:9; 2Kor 2:12 * **3:9:** Is 60:14; Ro 2:28; Syg 2:9

11 Malau mako pale natal. Tauvene uyooz ariaan, ve ukis n̄gar to Maaron tau igheen tsio na tun̄ja. Mako pale atuya tsio tau isasaan ghom na, irau ughamu mako. Pa atuya tawe, ene to yes tau tiyooz ariaan ve tiliiv tovaan. *

12 ‘Isaav ighe tamtamon eta iyooz ariaan ve iliiv tovaan, ene yau aat naghuru imin rir paghuuna to ipabood rumei to Maaron tsiau. I pale ileep tun̄ja igharau Maaron. Irau tipasu muul mako. Ve yau aat nabood ezag paaghu, tomania Taman Maaron eeza, ve Taman Maaron nugh tooni eeza paam izala tamtamon tana paavo. Nugh tawe, ene Yerusalem paaghu tau igheen to Maaron tsiau izi nugh sambam, ve izilam. *

13 ‘Tamtamon tau ighe le taliina, i aat iloon saveen tau Maaron Avuvu isasavia pa lupuun to Kresi.’

Kresi aliina in̄arui lupuun to nugh Laodisia

14 “An̄ela tau in̄gin lupuun tsiau tau tileep izi nugh Laodisia na, ubood saveen ila pani tauvene:

‘Ene saveen to n̄eer tau ighe: “Onoon” pa saveen mbuaan naol isov to Maaron, ve igham anon̄azi ivot ila uraat tooni. I iyooz ariaan ve ipariaan saveen onoon toman loolo eemon. Ve i imin puughu pa gabua naol isov tau Maaron ighur zi na. Aliina ilat payo ighe: *

15 ‘N̄gar ve uraat tau yo ughamgham zi na, yau nawatagh zi tisov. Yo umin yaa tau ituntun geeg

* **3:11:** 2Tim 2:12; Hib 10:36+; Syg 2:25 * **3:12:** Ga 4:26+; Hib 12:22; Syg 14:1, 21:2 * **3:14:** Yo 1:3+; 2Kor 1:20; Kol 1:15+

mako, ve iyaun geeg mako. Yau naghe yo uleep ila ngar ru tane eta, o poi! §

¹⁶ Eemon mako. Yo uleep bodbodaan imin yaa tau ituntun geeg mako, ve iyaun geeg mako. Tauvene ugham ghau ateg inaunau, ve rigmon kanan nalu-aar ghom uvot pa avog.

¹⁷ Pasaa, yo usavsaav uge: “Yau tane, kuaz tauu. Nambool pa gabua eta mako. Narau gabua naol isov.” Eemon yau naghit ghom le lolog isaghatin ghom. Pasaa, yo uleep saghat, ve mbolaan tina igham ghom. Ve matam ikumkuum, ve lem nonoghiina to ipoon tinim mako. Eemon lem ghilaloon mako. *

¹⁸ Tauvene yau nasaav payo: Yo aat ulam tsiau, ve ughol lem gol tau yav ighani le muun ighau pani ve ingalaan kat. Leso umin kuaz tauu to nugh sambam. Ve yo aat ughol lem nonoghiina pisosona, lesu upoon tinim pani. Mako pale tighit ghom tinim nginaana, ve mayam. Ve ughol lem marasin pa matam. Leso ughuru ila matam, ve igham matam poia ve ughita nugh. *

¹⁹ ‘Tamtamon tisov tau yau lolog pazi na, nayaonyaon zi, lesu napaduduun zi. Tauvene naghe utoor ngar tsio, ve uzuari ghom le ngar tsio iduduun kat. *

²⁰ Ughita. Yau nayozyooz ila ataman aavo, ve naseñseñ ataman. Isaav ighe tamtamon eta iloon

§ **3:15:** Nugh ee tau igharau nugh Laodisia na, lezi yaa tuntunu tau iuluul yes moroghoona. Ve nugh ite tau igharau zi na, lezi yaa yauja tau poia kat pa ghunuun. Eemon nugh Laodisia lezi yaa poia eta igharau zi mako. * **3:17:** Lu 12:21; 1Kor 4:8 * **3:18:** Is 55:1;

Mt 13:44; 1Pe 1:7; Syg 7:13+ * **3:19:** 1Kor 11:32; Hib 12:5

aliŋag ve ikaak ataman payau, yau aat naloŋ nala tooni, ve yeiru nivalupu ghei pa ghanghaniŋ. *

²¹ ‘Isaav ighe tamtamon eta iyooz ariaaŋ ve iliiv tovaŋ, ene aat yau nayok pani to yeiru nileep ila niag to ghamuuŋ pooz, imin yau nayooz ariaaŋ ve naliiv tovaŋ, tauta yeiru Tamaŋ nileep ila niia to ghamuuŋ pooz. *

²² ‘Tamtamon tau ighe le taliŋa, i aat ilooŋ saveŋ tau Maaron Avuvu isasavia pa lupuuŋ to Krisi.’ ”

4

Maaron ileep ila niia to ghamuuŋ pooz izi nugh sambam

¹ Yau naghita gabua tana le isov, ve matag ila le naghita ataman ee ikakaak izi nugh sambam. Ra ŋeer tau muuŋ naloŋa isaav payau imin tavuur itaŋ na, aliŋa ilam payau muul ighe: “Uzalam sene, leso natotoi ghom pa gabua tau murei pale tivot itaghon Maaron ŋgar tooni.”

² Rekia mon Maaron Avuvu tapiri izaa tsiau, ve naghita Maaron niia to ghamuuŋ pooz iyooz izi nugh sambam, ve Ŋeer ee ilepleep ila. *

³ I naagho milmilia imin maet yaspa ve karnelian tau ŋgeretazi popoia na. Ve taliŋbuuz tau mbonari airaumbitai imin maet emeral na, ilivutin ŋeer tawe niia to ghamuuŋ pooz. *

* **3:20:** Yo 14:23 * **3:21:** 2Tim 2:12; 1Kor 6:2 * **4:2:** Mbo 47:8;
Is 6:1 * **4:3:** Ezek 1:22-28

⁴ Ve naghita nginiina tamoot ee ve paan (24) tileep ila niazi to ghamuun pooz ve tilivut Maaron niia to ghamuun pooz. *

Yes tinonogh zi pa nonoghiina pisosoonja, ve moghar ndamoonda to kinik tighen izala dabazi. Moghar toozi tawe, tigharaat zi pa gol.

⁵ Ve naghita nugh ighani milmilia ta Maaron niia to ghamuun pooz we, ve ivotvot, ve naloon lalaav lutluutu. Ve sul liim ve ru tighanghan ila Maaron niia to ghamuun pooz naagho. Sul tawe, ene Maaron avuvu liim ve ru. *

⁶ Ve gabua ite igheen ta sewe paam. Ghitoonja imin te. Tigharaata pa galas tau ngalaanja kat.

Ve gabua matazi yaryaare paan tiyooz livutin Maaron niia to ghamuun pooz. †

Gabua paan tawe, matazi katini, irau anonazi dodoli. Matazi igheen pa naghozi ve murizi paam. *

⁷ Gabua paan tawe, ee naagho imin laion. Ve ite naagho imin makau tamoot. Ve ite naagho imin tamtamon. Ve imin paan pani, naagho imin manbog tau iraraav baage pa rovaan.

* **4:4:** Zeran ngara tige nginiina 24 tawe, ene yes anjela tau tingin Maaron tamtamon tooni, o Yakop natja sanjavul ve ru ve yes mbanjoonja sanjavul ve ru to Krisi. Saveen ziiri naol to rau tane isavia gabua sanjavul ve ru (12), ma tamoot ee ve paan (24)[=12+12], ma ndinjndinj ee, tamoot ru ve geege paan (144) [=12 taims 12]. Saveen tauvene, ene iza to Maaron tamtamon tooni, ma Krisi lupuur tooni. *

* **4:5:** Igham 19:16 † **4:6:** Zeran ngara tige gabua paan tane, ene anjela arianazi kat tau tibesbees pa Maaron ve tingin niia to ghamuun pooz. Yes paan pasaa, tighamghan uraat irau sambam ve taan ziige ta naol. Ighe buk tane isavia gabua paan, ene puughu tauvene: Gabua tana igheen o ivot irau nugh tisov. *

* **4:6:** Ezek 1:5+; Is 6:1-3

⁸ Gabua paan tawe lezi bagezi liim ve ee le irau zi. Ve matazi katini kat. Irau anonjazi ve bagezi paam. Ve yes timariau mako. Mbonj ve mataaz, tipapait Maaron eeza tighe:

“Tiina toit Maaron, i saksaki ve injin gabua naol isov.
I patabuyaan, le patabuyaan, le patabuyaan kat!
I ileep muun geeg, ileep aazne, ve murei i pale ilam.” *

Tipait Maaron eeza izi nugh sambam

⁹ Neer tau ileep ila niia to ghamuun pooz irau saawe na, gabua matazi yaryaare paan tawe mon-mon tipapakuru ve tipapait eeza pa tapiri ve poia tooni.

¹⁰ Ve saawe tau tigham tauvene, yes nginiinja tamoot ee ve paan tila titap tizi ila i naagho, ve tipakuru paam. Ve tizugh moghar toozi tau igheen izala dabazi na tizi, ve tighur zi ila neer tawe niia to ghamuun pooz naagho, ve tipait eeza tighe:

¹¹ “O Maaron, Tiina tsiei, yo poiam kat. Isaav ighe nipakur ghom ve nipait ezam pa tapirim ve poia tsio, ene iduduun. Pasaa, yo mon ta ughur gabua naol isov itaghon taum ngar tsio. Tauta gabua naol isov tivot gha tigheen tauvene.” *

5

Sipsip to Maaron irau iraraav rau to Maaron

¹ Ra matag ila le naghita Neer tau ileep ila niia to ghamuun pooz na, ikis rau ee ila niima tapir. Rau

* **4:8:** Is 6:2+; Syg 1:4 * **4:11:** Gnp 1:1; Mbanj 14:15, 17:24

tawe, tilulunu ve tipaak bagil liim ve ru ila aavo ziige, lesa ikaak sov. Bagil liim ve ru tawe, mboom to Maaron igheen ila. Ve rau tawe, tibood saveeņ ila loolo ve muuri paam. * *

² Ve naghita aņela ee tau tapiri tiina na iboob aliija tiina ighe: “Sei ta poia kat irau to iwalaav bagil pa rau tawe, ve iraraava?”

³ Tauvene titiir sambam, taan, ve taan loolo paam. Eemon tighita eta tau poia kat irau to iraraav rau tawe ve ighita loolo ne mako.

⁴ Tauvene yau nataņ tiina. Pasaa, tindeenj eta tau poia kat irau to iraraava ve ighita loolo ne mako.

⁵ Yau nataņtaņ, ve ŋginiija tamoot ee ve paan (24), toozi ee ilam ve isaav payau ighe: “Utaņ sov. Ughita ŋeer tawe. I Laion tau ivot ila to Yakop naatu Yuda ziiri waaro tooni. I paaghu to kinik David. I iyooz ariaaņ ve iliiv tovaan wa. Tauvene i poia irau to iwalaav bagil liim ve ru to rau tawe, ve iraraava.” *

⁶ Ra matag ila le naghita Sipsip ee iyozyooz igharau Maaron niia to ghamuunj pooz. Ve gabua matazi yaryaare paan tomania yes ŋginiija tamoot ee ve paan (24) tilivuti. Sipsip tawe ghitooņa imin muunj tiravu imaat. I le zoonņa liim ve ru. †

* **5:1:** Rau tau saveeņ ziiri tane isavia na, ene izaa to ŋgar isov tau Maaron pale igham zi tivot izi sambam ve taan, lesa ighur atuya iņarui tamtamon pa sosor toozi, ve igham mulin tamtamon tooni. Ŋgar tawe, Krisi igham uratoini, lesa anooņa ivot. * **5:1:** Is 29:11; Ezek 2:9+; Dan 7:10, 12:4 * **5:5:** Gnp 49:9+; Is 11:1, 10; Dan 7:13-14; Ro 15:12; Hib 7:14; Syg 6:1 † **5:6:** Gabua zoonņa imin ilaal pa tapiri. Saveeņ tane puughu tauvene: Sipsip to Maaron, i saksaki ve tapiri tiina kat iliiv gabua naol isov.

Ve maata paam, liim ve ru. Maata tawe, ene Maaron Avuvu liim ve ru tau i imbaan̄ zi tila tirau taan. *

⁷ Sipsip tawe ilaagh in̄arui N̄eer tau ileep ila niia to ghamuun̄ pooz na, ve igham rau tau igheen ila niima tapir. † *

⁸ I igham rau tawe, ve gabua matazi yaryaare paan̄ tomania n̄giniin̄a tamoot ee ve paan̄ (24) tila titap tizi ila i naagho, ve tipakuru. Yes en̄aen̄a tikis gabua imin̄ gita ve oon̄ geegeu tau tigharaat zi pa gol na le irau zi. Oon̄ tawe tivon pa naunaun̄ popoia. Naunaun̄ tawe, ene sun̄uun̄ to Maaron tamtamon tooni patabuyaana. *

Tipait Sipsip to Maaron

⁹ Yes tipait Sipsip to Maaron pa mboun̄ paaghu ee tighe:

“Yo poiam kat irau to ugham rau tana, ve uwalaav bagil pani, ve uraraava.

Pasaa, tirav ghom umaat, ve sin̄ tsio igham mulin̄ eval tiina gha timin̄ Maaron le wa.

Tinizi, tomania alin̄azi ve gabuazi, ene ite ite.

Ve yes to nugh marin̄. *

¹⁰ Ve yo ugham zi tisov timin̄ Maaron le. Leso tileep ila pooz tooni saamba, ve tibeas pani imin̄ zeran to watoon̄rau.

* **5:6:** Is 53:7; Yo 1:29; 1Kor 5:7 † **5:7:** Saveen̄ ziiri tane aat isavia saawe tau Krisi imuul izala sambam ve igham eeza tiina ve tapiri to in̄gin gabua naolisov. * **5:7:** Dan 7:13+; Pil 2:9-11; Hib 2:9 * **5:8:** Mbo 141:2; Hib 13:15; Syg 4:8, 8:3, 15:2 * **5:9:** Mbo 96:1, 98:1+; 1Pe 1:18+

Ve yes pale tigham pooz izi taan.” *

¹¹ Ra matag ila muul le naghita anela katini kat ve naloŋ aliŋazi. Yes ndiŋndiŋ, ve ndiŋndiŋ, ve ndiŋndiŋ. Irau tanin zi mako. Tilivut Maaron niia to ghamuŋ pooz, tomania gabua matazi yaryaare paan ve yes ŋginiŋa tamoot ee ve paan (24) tawe.

¹² Yes timbou toman aliŋazi tiina tighe:

“Sipsip to Maaron tau tiravu imaat na, i irau kat pa tapiri, kuaz, ve ŋgar ta naol ne.

I saksaki ve eeza tiina. Ve i mbonari tiina ve poia puughu.

Tauvene tapait eeza, o iduduŋ.”

¹³ Ra naloŋ gabua naol isov tau Maaron ighur zi na tipait Maaron tomania Sipsip tooni ezazi. Yes tau tileep sambam, yes tau tileep taan paavo, yes tau tileep taan loolo, ve yes tau tileep te loolo. Tisov tilup avozi tighe:

“I tau ileep ila niia to ghamuŋ pooz na, tomania Sipsip tooni, iit aat tapakur zi pa tapirizi ve poia toozi, ve tapait ezazi taghon taghon gha ila!”

¹⁴ Ve gabua matazi yaryaare paan tiyolyol saveeŋ tighe: ‘Onoon! Onoon!’ Ve yes ŋginiŋa tamoot ee ve paan paam, titap tizi ve tipait Maaron tomania Sipsip tooni.

6

Sipsip to Maaron iwalaav bagil liim ve ru

* **5:10:** Igham 19:6; 1Pe 2:9; Syg 1:6, 20:6

¹ Ra yau naghita Sipsip to Maaron igham rau tau bagil liim ve ru tighen ila na, ve iwalaav bagil ee imin maata. *

Ve naloon gabua matazi yaryaare paan, toozi ee iboob aliina tiina kat imin lalaav luutu ighe: “Ulam!”

² Ve matag ila le naghita hos pisosoonja ee. Neer tau ilandoova na ikis paneegh, ve tigham le moghar ndamoonda ee. Pasaa, i iparav ariaan toman koinja siriv ve iliiv zi wa. Tauta ila ighe iparav muul. *

³ Mako Sipsip to Maaron iwalaav bagil ite izi, ve naloon gabua matazi yaryaare paan, toozi ite isaav ighe: “Ulam!”

⁴ Tauvene hos ite ivot ila. Hos tawe, sinjinai kat imin yav yaama. Ve tigham mbuzaagh tiina ee pa neer tau ilandoova na, ve tiyok pani to ipaghau lepoogh poia pa tamtamon to taan, ve ipazaagh zi pa malmal. Leso tivaravu zi gha timatmaat. *

⁵ Mako Sipsip to Maaron iwalaav bagil ite imin tol izi, ve naloon gabua matazi yaryaare paan, toozi ite imin tol, isaav ighe: “Ulam!” Ra matag ila le naghita hos gabgabuai ee. Ve neer tau ilandoova na, i neer to ighamgham nibib. Tauvene ikis sikel ila niima.

⁶ Malau mako ve naloon neer ee aliina ivot ila gabua matazi yaryaare paan tawe sosozi ighe: “Pitool aat ivot. Ve aniin atuya pale izala kat. Isaav ighe tamtamon tigham uraat pa aaz ee, atuya tau

* **6:1:** Krisi iwalaav bagil liim ve ru, ene ngara tauvene: Saawe tau tamtamon to Krisi tileep izi taan, patanani maata maata pale igham zi. Eemon Krisi injin patanani toozi. * **6:2:** Sek 1:8+; Syg 19:11

* **6:4:** Mt 24:6+

tigham pa uraat toozi, ene irau tighol aniin tiina pani mako. Aniin bali tau atuya raurauai, yes pale irau tighol uur geegeu tol ma vene. Ve aniin wit, atuya toozi tawe pale irau tighol uur marani eemon geeg. Eemon uvaghamunia ai oliv ve vaen sov.”

⁷ Mako Sipsip to Maaron iwalaav bagil ite imin paan izi, ve naloon gabua matazi yaryaare paan, toozi ite imin paan, isaav ighe: “Ulam!”

⁸ Ra matag ila le naghita hos yanooḡa ee. Ve ḡeer tau ilandoova na, tiwaat eeza tighe: ‘Mateegh.’ I imuḡ, ve nugh to mateegha itaghoni. Ve tivalagh tamtamon tisov to taan timin ḡgun paan, ve tighur ḡgun ee ila yesuru nimazi, leso tirav zi timatmaat. Tauvene tirav tamtamon siriv pa mbuzaagh. Ve siriv, pitoool tiina ve moroghoon sasaghati irav zi. Ve siriv, gabua sagsagḡa tighan zi gha timatmaat.

⁹ Mako Sipsip to Maaron iwalaav bagil ite imin liim izi, ve naghita eval tiina anunuzi tileep ila artaal to nugh sambam saamba. Yes tawe, muḡ titaghon saveeḡ onoon to Maaron ve tipariaan tamtamon to tighur ila to Yesu. Tauta yes to tighur koi pa Maaron na, tirav zi timatmaat. *

¹⁰ Yes tiboob toman aliḡazi tiina kat tighe: “O Maaron, yo saksakim ve patabuyaan, ve avom onoon. ḡeez o ugabiiz tamtamon tau tileep izi taan na, ve uyat siḡ tsiei?” *

¹¹ Ra tigham tamtamon tawe lezi nonoghiiḡa pisosooḡa mamalaua le irau zi, ve tisaav pazi tighe: “Atemim izi, ve asaḡan rig. Pa tonvetaz tsiam siriv tau tibesbees pa Krisi na, Maaron ighur zi

* **6:9:** Mbanḡ 14:22; 2Tim 1:8; Syg 1:9, 7:9+

* **6:10:** Ro 12:19; Syg

19:2

ighe timaat raraate imin yam. Saawe tau tirav zi le tisov, mako iyat siŋ tsiam.”

¹² Mako naghita Sipsip to Maaron iwalaav bagil ite imin liim ve ee izi, le yogyoog tiina kat itok taan. Ve aaz maata gabgabuuŋ imin uuli gabgabuai to moŋiŋ, ve kaiyo paam, maata siŋsiŋaŋ imin siŋ.

¹³ Ve pitum tau tigheen ila sambam saamba na, pale titaptap tizilam taan imin ai fik tau anoŋa ŋgaala ve yaghur tiina itoki le titaptap tizi.

¹⁴ Ve tizuur sambam saamba ila pa ziige ee imin rau tau tilulunu. Ve tizuur loloz tomania sisi tisov tighau pa niazi paam. *

¹⁵ Tauvene yes kinik to taan tomania yes tau ezazi tintiina, ve daaba to yes zaaba, kuaz tauŋa, yes tau lezi tapirizi tiina, yes besooŋa, ve yes tau besooŋa mako ve tiŋgin tauzi na, tisov tila tiyooŋ ila maet purazi ve maet tintiina to loloz sosozi.

¹⁶ Ve tiboboob pa loloz ve maet tigde: “Apol alam azala pavomai, ve apoon ghei pa Ŋeer tau ileep ila niia to ghamuuŋ pooz na maata. Leso ighit ghei sov, ve niyooŋ pa aatyavyav to Sipsip tooni. *

¹⁷ Pasaa, saawe tiina to titotoi aatyavyav toozi ighe ivot tane. Sei irau iyooz ve ipaloti?” *

7

Tighur mboom to Maaron izala tamtamon 144,000 to Israel ndamozi imin ilaal pazi

¹ Gabua tawe isov, ra naghita aŋela paan tiyooz ila taan ziige paan. Ee iyooz ila pa ragh, ee ila pa

* **6:14:** Is 34:4; Mt 24:29+; Mban 2:20; Syg 16:20 * **6:16:** Lu 23:30;

Syg 9:6 * **6:17:** Mbo 76:7; Yoel 2:11

yavaar, ee ila pa kaagu, ve ee ila pa daudau. Ve tikis yaghur paan tawe. Leso tivuvuur taan, te, ma ai eta sov.

²⁻³Ve naghita anjela ite ileep aaz puughu ve iza. I ikis gabua tau Maaron maata yaryaare mboom tooni igheen ila na, ve isaav aliija tiina ila pa anjela paan tawe ighe: “Avaghamunia taan tomania te ve ai rekia sov. Asaan rig, ve nighur mboom to Maaron toit ila yes besooja tooni ndamozi imin ilaal pazi le isov o.” I isaav tauvene pasaa, Maaron igham anjela paan tawe lezi tapirizi to tivaghamunia taan ve te. *

⁴⁻⁸Nalepleep, ve naloon yes Israela piiz tau Maaron ilaal tooni iza ndamozi na. Yes irau ndinndin ndinndin (144,000). *

Yes Israela tana, rumei toozi enaenja lezi tamtamon irau ndinndin ndinndin sanjavul ve ru (12,000). Tauvene rumei to Yuda tamtamon toozi 12,000, to Ruben 12,000, to Gat 12,000, to Aser 12,000, to Naptali 12,000, to Manase 12,000, to Simeon 12,000, to Levi 12,000, to Isakar 12,000, to Zebulun 12,000, to Yosep 12,000, ve to Benyamin 12,000. Yes tawe tisov tigham ilaal to Maaron, tauta itotoi zi ighe yes timin i le wa.

Eval tiina to nugh nugh tipait Maaron eeza izi

* **7:2-3:** Ezek 9:4+; Syg 9:4, 14:1, 22:4 * **7:4-8:** Tamtamon 144,000 tane aat iza to Maaron tamtamon tooni tisov. Yes tau tileep pa saawe to saveen mbuaan mungaana, ve yes tau tileep pa saawe to saveen mbuaan paaghu na paam. Matam ingal Yakop natnja sanjavul ve ru (12), ve yes mbanjoonja sanjavul ve ru (12) to Yesu. 12 taims 12 taims 1,000, ene 144,000. Ilaal to Maaron, zeran ngara siriv matazi ingal tighene iza to Avuvu Patabuyaana. Saveen siriv tau ipariaan ngar toozi tane, ene: 2Kor 1:22, Ep 1:13-14, ve Ep 4:30.

nugh sambam

⁹ Gabua tawe isov, ra naghita eval tiina kat to nugh mariņ tiyooz ila Sipsip to Maaron naagho igharau Taama niia to ghamuun pooz. Tinizi, gabuazi, ve alinazi ite ite. Yes tinonogh zi pa nonoghiina pisosoonja, ve tikis tuum raua ila ni-mazi. Yes eval le eval kat. Tamtamon eta irau inin zi mako.*

¹⁰ Ve tiboboob alinazi tiina tigde: “Tapakur Maaron toit tau ilepleep ila niia to ghamuun pooz ne tomania Sipsip tooni. Pasaa, yesuru tigham mulin ghiit, tauta taleep poi.”

¹¹ Ve anjela tisov tiyooz livutin Maaron niia to ghamuun pooz tomania nginiina tamoot ee ve paan (24) ve gabua matazi yaryaare paan. Ve matazi ila pa Maaron niia to ghamuun pooz, ve titap tizi ila Maaron naagho, ve tipaiti tigde:

¹² “Onoon kat. Iit tapait Maaron toit pa poia tooni.

I eeza tiina kat, ve ngar tooni tiina.

Loloon poia pani pasaa, i igham poghani ghiit.

I saksaki, ve tapiri tiina kat.

Tauvene iit aat tapaiti tauvene taghon taghon gha ila. Onoon.”*

¹³ Ra nginiina tawe, toozi ee ighason ghau ighe: “Savunugha ta tinonogh zi pa nonoghiina pisosoonja we? Ve tilaagh mindai ta tilam?”

¹⁴ Yau nayol aliina naghe: “Tiina, yo uwatagh zi.”

Ra i isaav payau muul ighe: “Saawe tau tighur pataņani tiina pa Maaron tamtamon tooni, zeran tawe tiyooz ariiaan, ve tiliiv tovaan tau ivot pazi

* **7:9:** Syg 3:5, 5:9, 14:6 * **7:12:** Syg 5:12+

na. Yes timin nonoghiina toozi pa Sipsip to Maaron sin tooni, tauta tingalaan ve tipisosoon kat.
*

¹⁵ “Puughu tane ta zeran tawe tileep tigharau Maaron niia to ghamuun pooz, ve tibesbees pani ila rumei tooni loolo, ve tipapaiti irau mbon ve mataaz. Neer tau ileep ila niia to ghamuun pooz na, pale ileep tomani zi, ve ighur zi tileep ila i saamba ve ipoon zi.

¹⁶ Tauvene yes irau pitoon zi, ma murun zi muul mako. Ve aaz irau ighaaz katin zi muul mako. *

¹⁷ Pasaa, Sipsip to Maaron tau ileep igharau Maaron niia to ghamuun pooz na, i tauu pale ingin zi ve maata pazi. Ve i pale igherev zi tila pa yaa to lepoogh maata yaryaare tau bolokbolokia ve izazaa. Ve Maaron tauu pale imus matazi suuru isov ighau, ve irau titan muul mako.” *

8

Sipsip to Maaron iwalaav bagil ite imin liim ve ru

¹ Sipsip to Maaron iwalaav bagil ite imin liim ve ru izi, ra nugh sambam kiikia, ve igheen le malau rig irau aua sirivu ma vene. *

² Ra matag ila le naghita anjela liim ve ru tau monmon tiyozyooz ila Maaron naagho. Tigham lezi tavuur liim ve ru, ve tirei enjaena irau zi.

³ Ra anjela ite ila iyooz igharau artaal. Artaal tawe, tigharaata pa gol, ve igheen ila Maaron niia

* **7:14:** Is 1:18; Mk 13:19+; Hib 9:14; 1Yo 1:7 * **7:16:** Mbo 121:6; Is 49:10 * **7:17:** Mbo 23:1+; Is 25:8; Yo 7:37, 10:11+; Syg 21:4 * **8:1:** Hab 2:20; Sek 2:13

to ghamuun pooz naagho. Anjela tawe ikis oon ee tau tigharaata pa gol, ve tigham le naunaun tiina tau vaazi poia. Leso ilupu tomania sunuun to Maaron tamtamon tooni patabuyaana, ve igham watoonrau pani izala artaal tawe.

⁴ Tauvene igham uratoi watoonrau tawe, le nau-naun tau vaazi poia na mbuasa tomania sunuun to Maaron tamtamon tooni patabuyaana izala ila Maaron naagho. *

⁵ Ra anjela igham oon tawe ve ipavoni pa yav to artaal le ivon, ve isiki izilam pa taan. Mako nugh ighani milia, ve lalaav gurunjgurunja, ve yogyoog itok.

Anjela paan tiviv tavuur toozi

⁶ Ra anjela liim ve ru tau tikis tavuur irau zi na, tigharaat zi lesa tiviv zi. *

⁷ Yes tivalagh taan tomania ai tisov tau tiyozaar ila na timin ngun tol, ra anjela tau imuun pazi na, iviv tavuur tooni, ve tisik ais ve yav tomania sin izilam pa taan. Yav tawe ighan suvinia ngun ee. Ve ngun ru tisaghat mako. Tigheen poi. Eemon kikiliin, o yav ighani le isov. *

⁸ Mako tivalagh te imin ziige tol. Ve anjela ite imin ru iviv tavuur tooni, ve tisik gabua imin loloz tiina kat izila te loolo. Loloz tawe, yav ighanghan ila. Tauvene te ziige ee itoora imin sin. Ve ziige ru tisaghat mako. Tigheen poi. *

* **8:4:** Mbo 141:2; Syt 5:8 * **8:6:** Yes Israela tiviviv tavuur imin ilaal pa patanani tau ighe ivot. * **8:7:** Igham 9:23+ * **8:8:** Syt 16:3

⁹ Gabua tau tileep ila te ziige tau isaghat na, tisov timataar. Ve waan tau tipot ila te ziige tawe paam, tisov tisaghat ve timbiriis.

¹⁰⁻¹¹ Mako tivalagh yaa tisov timin ngun tol, ve anela ite imin tol, aana iviv tavuur tooni, ve pitum tiina ee itap sambam izilam. Pitum tawe iyaryaar imin sul. Ve tiwaat eeza ‘Papaii.’ Itap izala yaa ngun ee pavozi le ivaghamun zi. Yaa tau tirereer, ve yaa tau tivotvot ila taan loolo na paam. Tauta eval tiina tau tighunghun yaa papaii tawe na timatmaat. Ve yaa ngun ru, tisaghat mako. Tigheen poi. *

¹² Mako anela ite imin paan, aana iviv tavuur tooni, ve ivaghamunia aaz ziige ee ve kaiyo ziige ee. Ve aaz ziige ru, ve kaiyo ziige ru, tisaghat mako. Tigheen poi. Pitum tauvene paam. Tivalagh zi timin ngun tol, ve tivaghamunia ngun ee. Ve ngun ru tisaghat mako. Tigheen poi. Tauvene aaz ziige ve kaiyo ziige tawe tighaaz kat mako. Ve pitum ngun ee tawe paam, tiran mako. Tauta mataaz sirivu, nugh imin ndoroom. Ve mbon sirivu paam, ndoroom tiina ikau nugh. *

¹³ Mako matag ila le naghita manbog ee iroov ila sambam saamba, ve iboob toman aliinja tiina ighe: “Oyai, oyai, oyai. Aa, tamtamon tau tileep izi taan na, tikaria tauzi wa! Pasaa, paita anela tol paam anazi tiviv tavuur toozi.”

9

Tavuur tau imin liim na itan

* **8:10-11:** Igham 7:20; Yer 9:15; Syg 16:4
Mt 24:29+; Syg 16:10

* **8:12:** Igham 10:21+;

¹ Mako aņela ite tau imin liim na, aana iviv tavuur tooni, ve naghita pitum ee tau muuņ itap sambam ve izila taan. Pitum tawe, tighuru imin ņginiņ to puura tiina tau le puughu mako na. Tauvene tighur ki to puura tawe aavo ila niima. *

² I ikaak puura tawe aavo, ve mbuas tiina kat imbuņ izaa pani imin yav tiina kat ighanghan. Mbuas tawe ipoon aaz maata le nugh ndoroom. *

³ Ra gabua imin siis tivot ila mbuas tawe loolo, ve tila tileep irau taan. Maaron igham gabua tawe lezi tapirizi imin skorpion to taan. †

⁴ Ve tiņgalsekin zi tige: Yes irau tivaghamunia kikiliņ, ai, ma gabua ite paam tau itum izi taan ne mako. Ve yes tau Maaron ilaal tooni igheen ila ndamozi mako na, yes mon ta siis tawe irau tivaghamun zi. *

⁵ Tauvene yes pale tighur yavyavuun tiina pa tamtamon irau kaiyo liim. Yavyavuun tawe imin mboolmamalau iņgal tamtamon. Eemon Maaron iyok pa gabua tawe to tirav tamtamon eta imaat kusia ne mako.

⁶ Saawe tau pataņani tana ivot, tamtamon pale tiil eez to timaat, leso timariau pa yavyavuun toozi.

* **9:1:** Pitum tawe aat izaa to Sadan tauu, ma avuvu saghati eta tau imin daaba pa zeetņa siriv. Ughita ziiri 11 to ņgat tane. Puura tau saveeņ ziiri tane isavia na, ene izila le izila kat. Tighurghur avuvu sasaghati tileep ta sewe, leso tisaņan pa saawe to Maaron ighur atuya pazi. * **9:1:** Is 14:12-15; Lu 10:18; 2Pe 2:4; Jud 1:6; Syg 20:1+ * **9:2:** Ep 6:12 † **9:3:** Skorpion, (o mboolmamalau) to yes Israela, ene tintiina. Isaav ighe tiņgal tamtamon eta, ene i igham yavyavuun tiina, raraate imin araraan iņgal tamtamon. * **9:4:** Syg 7:3

Eemon pale tiilo le mako. Pale tipasawal tigde le timaat o poi. Eemon mateegh irau ivot pazi mako.
*

⁷ Siis tawe, ghitonazi imin hos tau tigharaat zi pa malmal. Dabazi, tighur gabua imin moghar milmilia izala. Ve naghozi imin tamtamon.

⁸ Dabazi raua mamalaua. Ve livozi tintiina imin laion.

⁹ Tipoon gargarizi pa gabua ariaaņa tau tigharaata pa ain. Ve saawe tau tiroov, bagezi luutu imin karis katini tau hos tigherev zi ve tilaan pa malmal. *

¹⁰ Yes lezi ighuzi paam. Ighuzi maata, ene imin mboolmamalau tooni, leso tingal tamtamon pani. Ve Maaron igham lezi tapirizi to tivaghamunia tamtamon pa ighuzi maata irau kaiyo liim.

¹¹ Ve yes lezi kinik to ingin zi paam. Kinik toozi, ene aņela tau ingin puura saghati tau le puughu mako na. Tiwaat eeza ila Hibru alinazi tigde ‘Abaddon.’ Ve ila Grika alinazi tigde ‘Apolion.’ ‡

¹² Ene saveeņ to pataņani tiina tau ivot imin maata. Ve ru paam pale tivot. *

Tavuur imin liim ve ee itaņ

¹³ Mako aņela ite imin liim ve ee, aana iviv tavuur tooni, ve naloņ saveeņ ivot ila artaal tau iyooz ila Maaron naagho. Artaal tawe, dadabu paan ve ņoonda izaa iyooz, ve tigharaata pa gol.

¹⁴ I isaav pa aņela tana ighe: “Aņela paan tau timbit zi ve tileep ila yaa tiina Euprates ziige na,

* **9:6:** Lu 23:30; Syt 6:16 * **9:9:** Yoel 1:6, 2:4+ ‡ **9:11:** Aņela saghati tane eeza ru ‘Abaddon’ ve ‘Apolion’. Pughuzi eemon: ‘Neer tau ivavaghamunia gabua’. * **9:12:** Syt 8:13

upool ravraav pazi ve tila. Pa saawe toozi, tauta ivot wa.” *

¹⁵ Aņela paañ tawe, Maaron ighur zi pataghaañ ve tisaņan mon pa saawe duduun tau i tauu ighuru na. Tauvene tipool zi, ve tila tivalagh tamtamon tisov to taan timin ņgun tol le isov, ra tirav ņgun ee timataar, ve tipul ņgun ru tileep. *

¹⁶ Ve naloon tigde aņela paañ tawe zaaba toozi tau tileep izala hos ve tiparav na, yes irau ndiņndiņ ndiņndiņ (200 milion ma vene).

¹⁷ Ve tandaghiin tsiau, yau naghita tamtamon tau tilandoov hos na, ghitoņazi tauvene: Gabua ariañazi tau tipoon gargarizi pani na, ene ņgeretazi siņsiņai imin yav, mazavaniņa, ve yaņoņa. Ve hos toozi dabazi, ene imin to laion. Ve gabua sasaghati tol tivotvot ila avozi to tivaghamunia tamtamon. Ene yav, mbuas, ve maet salfa tuntunu tau vaazi saghati kat.

¹⁸ Tauvene tivalagh tamtamon tisov to taan timin ņgun tol, ve yav, mbuas, ve maet salfa tuntunu tau ivotvot ila hos toozi avozi na tirav ņgun ee le tisov timataar.

¹⁹ Hos tawe, tapirizi igheen ila avozi ve ighuzi. Ighuzi maata, ene imin moot saghati daaba. Tauta tivaghamunia tamtamon pani.

²⁰ Eval tiina tau timaat ila patañani tawe mako na, tighita patañani tawe ivotvot, eemon ipaburigin ņgar toozi mako. Yes titoor ņgar toozi, ve tipul ņgar sasaghati naol tau tighamgham zi ne mako. Yes tibesbees pa avuvu sasaghati. Ve maaron karomņa tau tigharaat zi pa ai, gol, silva, mbaras,

* **9:14:** Syt 16:12 * **9:15:** Syt 8:7+

ve maet siriv paam, lolozu pa tipul zi mako. Tau-
vene gabua tau irau tighita nugh mako, tiloon
saveen mako, ve tilaagh mako, tauta tamtamon
tawe tibesbees pazi, ve tipapait zi timin maaron
toozi. *

²¹ Ve ngar toozi to ravuun tamtamon timatmaat,
ghamuun mur, ghuruun boog, ve umbuun, ene
paam, tipul zi mako. *

10

Anjela igham rau marani pa Yoan

¹ Ra matag ila le naghita anjela ariaana ite
tau ileep sambam ve izilam. Taitai ikauu imin
nonoghiina tooni, ve talinbuuz igheen izala daaba
paavo. Naagho isul imin aaz maata. Ve aaghe ru,
ene imin rir tintiina tau yav ighanghan ila. *

² I ikis rau marani ee tau tiraraava pataghaan. I
ighur aaghe tapir ila te, ve nas ila taan.

³ I iboob aliina tiina kat imin laion itan, ve naloon
lalaav luutu tiina kat pai liim ve ru toman saveen,
ve iyol bobaan tooni. *

⁴ Gabua tana isov, ra naghe nabood saveen tawe
ila rau. Eemon naloon saveen sambam ve izilam
ighe: "Saveen tau ivot toman lalaav luutu gha
uloona na, uboode sov. Igheen imin ngozaan." *

⁵ Ra naghita anjela tau aaghe ee iyooz ila te, ve
aaghe ite iyooz ila taan na, iit niima tapir izala pa
sambam,

* **9:20:** Mbo 115:4+; 1Kor 10:19+ * **9:21:** Syt 22:15 * **10:1:**
Ezek 1:28; Mt 17:2; Syt 1:15+ * **10:3:** Mbo 29:3; Yo 12:29 * **10:4:**
Dan 8:26, 12:4, 9

⁶ ve ipariaaŋ saveeŋ tooni pa Maaron tau ileep irau saawe na eeza. I Maaron tau ighur sambam, taan, ve te, tomania gabua naol isov tau tileep ve tigheen ila. Aŋela tawe isaav ighe: “Irau tasaan muul mako. Saawe isov wa! *

⁷ Saawe tau aŋela tau imin liim ve ru na iviv tavuur tooni, ene aat Maaron ŋgar tooni yonŋaaŋa isov ighur anooŋa itaghon saveeŋ tooni. Saveeŋ tawe, muuŋ i ivotia ila to yes propet tau tibesbees pani na.”

⁸ Ra ŋeer tau aliiŋa sambam ve izilam na, isaav payau muul ighe: “Aŋela tau aaghe ee iyooz ila te ve aaghe ite iyooz ila taan na, yo ula tooni, ve ugham rau marani tau tiraraava ve ikiskisi we.”

⁹ Tauvene yau nala tooni, ve naghasoni naghe igham rau marani tawe ilam tsiau. I isaav payau ighe: “Ughamu ve ughani. Pale uyamaana imonmoon ila avom imin tok suuru. Eemon izila apom, ene aat igham apom iyavyav.” *

¹⁰ Tauvene naghama rau tau igheen ila aŋela tawe niima, ve naghani. Nayamaana imonmoon ila avog imin tok suuru. Eemon saawe tau natoona, igham apog iyavyav. * *

¹¹ Mako tisaav payau muul tighe: “Yo aat uvotia Maaron aliiŋa muul, ve usavia ŋgar tau pale ivot pa yes kinik ve eval tiina to nughmarin tau tinizi tomania gabuazi ve aliŋazi ite ite na.”

* **10:6:** Igham 20:11; Mbo 146:6 * **10:9:** Ezek 3:3 * **10:10:** Rau tau Yoan ighamu na, ene Maaron aliiŋa igheen ila. Maaron aliiŋa isov ene poia imin tok suuru. Eemon Maaron aliiŋa tawe isavia pataŋani tau pale ivot pa tamtamon. Tauta saawe tau Yoan itoona, ighamu aapo iyavyav. * **10:10:** Mbo 19:10, 119:103

paam. Saawe sindei tau tighē tigham tauvene, yesuru irau tighamu. *

⁷ Tauvene yesuru pale tipariaaṅ tamtamon to tighur ila Maaron aliṅa. Ve saawe tau tipasov uraat toozi tawe, ene pale gabua saghati ipul puura tau le puughu mako na, ve izaā gha iparav tomani zi. Mako iliiv zi ve irav zi timaat. *

⁸ Ve tamtamon pale tipul yesuru patazi tighēen sorok izi eez ziige tau igheen nugh tiina † loolo. Nugh tawe, tauta tirav Tiina toozi izala ai pambarooṅ gha imaat. Ve tipaleel pa nugh tawe eeza tighē Sodom ve Isip. *

⁹ Eval tiina pale tila timarar yesuru patazi irau mboṅ tol ve sirivu. Yes to nughmarinṅ. Ve tinizi tomania aliṅazi ve gabuazi, ene ite ite. Ve yes irau tiyok pa tamtamon eta to itavia patazi mako.

¹⁰ Pa muuṅ, propet ru tawe tighur patanani tintiina izazaā to tamtamon to taan. Tauvene saawe tau yesuru timaat, tamtamon to taan lolozi poia ve tintinizi, ve tivarei gabua pa tauzi. *

¹¹ Eemon mboṅ tol ve sirivu tana isov, ra Maaron iviv Avuvu maata yaryaare ilonṅ ila yesuru patazi, ve tiburig tiyooz. Tauvene yes tau tighit zi na, roinṅ tiina igham zi. *

¹² Malau mako ve tilooṅ bobaaṅ tiina sambam ve izilam ighe: “Yamru azalam sene!” Ra zeran

* **11:6:** Igham 7:17+; 1King 17:1; Yems 5:17 * **11:7:** Dan 7:21; Syg 13:1-7 † **11:8:** Nugh tiina tane, ene aat izaā to Rom, Babilon, Yerusalem, ma nugh tiina sindei tau titaghon sasaghati ṅgar to taan, ve tighurghur koi pa uraata to Maaron. * **11:8:** Is 1:10+; Mk 10:33+; Lu 13:34 * **11:10:** Yo 16:20 * **11:11:** Ezek 37:5+

ru tawe koiazņa timarar zi, ve taitai indai zi gha tizala pa nugh sambam. *

¹³ Saawe duduņ tana, yogyoog tiina kat itok nugh tiina tawe, le ruum katini tipolpol ve timbiriis. Nugh eņaeņa eņaeņa tau ruum saņavul tigheen ila na, toozi ee ipol, ve liim ve paañ popoiazi. Yogyoog tawe irav tamtamon ndiņndiņ ndiņndiņ liim ve ru (7,000) timatmaat. Ve yes tau popoiazi na, roiņ tiina kat igham zi ve tipait Maaron to sambam eeza.

¹⁴ Ene pataņani tiina ta imin ru. Ve ite imin tol, paita ivot.

Tavuur imin liim ve ru itaņ

¹⁵ Mako aņela imin liim ve ru, aana iviv tavuur tooni, ve naloņ eval tiina tau tileep izi sambam we tisaav toman aliņazi tiina tigde: “Aa ņgarig gha ņgar saghati tau muņ ighamgham pooz pa taan na tapiri isov, ve gabua naol isov titaghon pooz to Maaron toit ve Mesia tooni.

Ve i aat ighamgham pooz tauvene irau saawe!” *

¹⁶ Ra yes ņginiņa tamoot ee ve paañ (24) tipul niazi to ghamuņ pooz tau igheen izi Maaron naagho na, ve titap tizi gha tipait eeza tigde:

¹⁷ “O Maaron, Tiina tsiei, yo saksakim ve uņgin gabua naol isov. Yo uleep muņ geeg ve ilam.

Yei lolomai poia payo, ve nipait ghom. Pasaa, tapirim tiina tomania pooz tsio, tauta uto-toia ivot ighazoņ wa. *

* **11:12:** 2King 2:1+; Mbaņ 1:9; 1Tes 4:17 * **11:15:** Igham 15:18; Mbo 10:16; Syg 10:7 * **11:17:** Mbo 93:1, 97:1, 99:1; Syg 1:4, 8

¹⁸ Nugh nugh tau tiwatagh ghom mako na, atezi yavyav payo. Eemon aazne, ene saawe to utotoi aatyavyav tsio ivot ighazonj, ve ugabiiz yes mateegha, ve ughur atuya pazi. Tauvene yes propet tau muunj tibesbees payo, tomania tamtamon tsio patabuyaana tau tiroi payo ve titaghon ngar tsio na, yo aat ugham lezi atuya poia. Yes tau ezazi tintiina, ve yes tau lezi ezazi mako na paam. Eemon zeran tau tivavaghamunia gabua izi taan na, yo aat uvaghamun zi.” *

¹⁹ Tisavsav le isov, ra ataman to Rumei Tiina tau igheen izi sambam na ikaak, ve Bokis to Saveenj Mbuaan igheen mataghare. Mako nugh ighani milia, lalaav luutu gurunjurunja, yogyoog itok, ve ais paatu tintiina titaptap sambam ve tizizi. *

12

Livaa ve moot tiina

¹ Ra naghita gabua ee ivot izi sambam imin ilaal. Gabua tawe, puughu tiina. Livaa ee inonogh ghi pa aaz, ve iyooz izala kaiyo. Ve pitum sanjavul ve ru tigheen izala daaba imin moghar ndamoonda. *

² Livaa tawe aapo ve ighe ipoop. Tauvene iyaamaan yavyavuun tiina ve iyakyak.

³ Malau mako ve gabua ite ivot izi sambam imin ilaal. Naghita moot tiina ee. Tiini sinjinai imin yav

* **11:18:** Mbo 2:1, 46:6, 110:5; Mbo 115:13; Mt 20:8; Ro 2:5+

* **11:19:** Igham 9:24, 19:16; Hib 9:4; Syt 8:5 * **12:1:** Livaa tau saveenj ziiri tane isavia na, izaan to Maaron tamtamon tooni, ve moot izaan to Sadan.

ngilaanji. Ve daaba liim ve ru, ve zoonja sanjavul. Ve moghar ndamoonda liim ve ru imin to yes kinik tigheen irau daaba liim ve ru tawe. *

⁴ Pitum tau tigheen sambam we, moot tawe iighu izuur ngun ee, ve isik zi tizila taan. Ve ngun ru tigheen poi. Ra moot tawe ila iyooz izi livaa tana naagho ve isasaani. Ighe ipoop, mako rekia mon ve itoon naatu. † *

⁵ Livaa tana ipoop naatu tamoot. Naatu tawe pale ingin nughmarin, ve pooz tooni pale ariaanja kat. Tauta moot ighe iravu imaat. Eemon Maaron indae izala, ve ighuru ileep ila niima tapir igharau niia to ghamuun pooz. *

⁶ Ra livaa tawe ighau ila ve ileep izi nugh nginaanja. Ene nugh tooni to lepoogh tau Maaron tauu ighuru pani pataghaan. I pale ileep ta sewe ve Maaron ingini pa lepoogh tooni irau mbon

* **12:3:** Dan 7:7 † **12:4:** Livaa naatu, ene Mesia, Yesu Kresi. Sadan loolo pa Mesia ivot ve igham uraat tooni mako. Ve i iwatagh: Mesia pale ivot ila to Maaron tamtamon tooni. Tauta saawe to Adam ve ilam saawe to Kresi, Sadan monmon ipaburigin tamtamon pa ravuun yes tau titaghon Maaron ngar tooni. I itoova to irav Yesu imaat paam. Eemon ngar tooni tawe ighur mako. Pasaa, Yesu iburig pa mateegh. Tauta saawe tana ve ilam, Sadan iliil eez pa ravuun Kresi tamtamon tooni. Eemon Maaron pale maata pazi.

* **12:4:** Dan 8:10 * **12:5:** Lu 2:6+; Mbanj 1:9+; Pil 2:9+

1,260. ‡ *

⁷ Malau mako ve naghita malmal tiina ivot izi nugh sambam. Mikael § tomania aņela tooni tipaburigin malmal pa moot tiina tawe ve aņela tooni. Mako moot tomania aņela tooni anazi tipamuul malmal pazi. *

⁸⁻⁹ Eemon tapirizi irao mako. Tauvene moot tomania aņela tooni irau tileep izi nugh sambam muul mako, ve tisik zi tizila pa taan. Moot tawe ileep muuņ geeg ve ilam. Tiwaat eeza tighe Sadan ma Neer Saghati. I ta itotombaan tamtamon to taan tisov, ve ighegherev zi pa ghamuuņ ngar sasaghati. *

¹⁰ Ra nalooņ bobaaņ tiina ivot izi sambam tighe: “Aazne, Maaron toit igham mulin tamtamon tooni gha tileep poia, ve itotoi tapiri tomania pooz tooni ivot ighazooņ wa. Ve ighur gabua naol isov tileep ila Mesia tooni saamba, leso iņgin zi. Pasaa, Neer Saghati tau mboņ mataaz iņgalıgal saveeņ *

‡ **12:6:** Muuņ, propet Ilia ileep izi nugh nģinaaņja irau ndaman tol ve sirivu. Saawe tana, Maaron maata pani ve iņgini pa lepooğh tooni. Ve muuņ, kinik saghati ee to yes Grika, eeza Antiokus Epipanes, ighe igham yes Israela tipul ghuruuņ ila toozi. Tauvene ighur patarjani tiina kat pazi irau ndaman tol ve sirivu. Tauvene, ndaman tol ve sirivu, ma mboņ 1,260, ma kaiyo tamoot ru geege ru, ene iza to saawe tau ngar saghati ivot imin tiina ve igham pooz, ve tamtamon to Maaron tileep ila patarjani tiina loolo. Saawe tauvene, Maaron pale maata pa tamtamon tooni. *

12:6: 1King 17:1+; Dan 7:25; Syg 11:2, 13:5 § **12:7:** Mikael, ene aņela ee tau eeza tiina kat. I iņgin Maaron tamtamon tooni, ve imuņmuuņ pa zaaba to Maaron.

* **12:7:** Dan 10:13, 21 * **12:8-9:** Lu 10:18; Yo 12:31; 2Kor 11:3; Syg 20:2+ * **12:10:** Sadan eeza, ene puughu tauvene: ‘Neer to nģaliıı saveeņ’.

pa tonvetaz toit ila Maaron naagho na, ene tiziire pa nugh sambam, ve tisiki izila taan wa. *

¹¹ Tonvetaz toit tigham ngar pa lepoogh poia to taan mako, ve tiroi pa mateegh mako. Tirei tauzi kat. Ve Sipsip to Maaron sin tooni ipalot zi le tiyooz ariaan pa votiaan saveen onoon ila ila le irau mateegh toozi. Tauta tiliiv Neer Saghati wa. *

¹² Tauvene yam tau aleep izi nugh sambam na, tintinmim ve lolomim poia. Eemon yam to taan ve yam to te, ayamaan gham. Pa Neer Saghati ta izilat na. Ve i watagh ighe saawe tooni ilam igharau wa. Tauvene aate yavyav kat.”

¹³ Moot ighita tisiki izi taan wa. Tauvene ila inaan livaa tau ipoop naatu tamoot na ighe ighur patañani pani.

¹⁴ Eemon tigham livaa tana le baage ru imin manbog, lesu iroov ila niia to lepoogh ta nugh nginaanja we, ve ileep malau pa moot. Ve Maaron pale maata pani, ve ingini pa lepoogh tooni irau ndaman tol ve sirivu. *

¹⁵ Tauta moot inaan livaa tana ve yaa tiina gonja ivot pa aavo, lesu izughu gha ilale.

¹⁶ Eemon taan iuule, ve ikaak aavo ve ighun makoi yaa tau ivot ila moot aavo na.

¹⁷ Tauvene moot aate yavyav kat pa livaa tawe, ve ila ipaburigin malmal pa livaa paaghu tooni siriv. Ene yes tau matazi kisin tutuun to Maaron ve titaghoni, ve tivotia ghuruun ila toozi ighazoon tigde tighur ila to Yesu.

* **12:10:** Yop 1:9+; Sek 3:1 * **12:11:** Yo 12:25; Ro 16:20; 1Yo 5:4;

Syg 7:14 * **12:14:** Igham 19:4; 1King 17:1+; Dan 7:25; Syg 11:2, 13:5

18 Ra moot tana ila iyooz izi nari. *

13

Gabua saghati iza pa te

¹ Ra matag ila le naghita gabua saghati ee *
iza bokia ila te paavo. Gabua tawe, daaba liim
ve ru ve zoonja sanjavul. Zoonja tawe, moghar
ndamoonda sanjavul imin to yes kinik tighen ila.
Ve tibood saveen naol ila daaba liim ve ru tawe
timin gabua tawe eeza. Eeza tawe, isaav ighe njeer
eta to taan igham zi, ene ivelegh Maaron ve ipait
tauu eeza sorok imin i Maaron. *

² Gabua saghati tau yau naghita na, naagho imin
lepad, aaghe imin bea, ve aavo imin laion. †
Ra moot ighur tapiri ve eeza ila tooni, ve ighuru
ileep ila tauu niia to ghamuun pooz, ve ighur
gabua naol to taan ila i saamba leso ingin zi. *

³ Ve naghita gabua tawe daaba ee, zaab niia
ighengheen ila. Pa muun, tiravu imaat. Eemon
iburig muul toman tiini poia.

Yes tau tileep izi taan ve titaghon taan ngara na,
tisoov tirur pa gabua tawe ve titaghooni. *

⁴ Ve tiput aghezi pa moot ve tipakuru. Pasaa, i ta
ighur tapiri ve eeza ila to gabua tawe. Ve gabua
saghati tawe paam, tiput aghezi pani ve tipakuru

* **12:18:** Syg 1:9, 11:7, 13:7, 14:12 * **13:1:** Gabua saghati tane aat
iza pa gavman sasaghati tau tigha tigham tamtamon to Maaron
tipul ghuruun ila toozi. Tauvene tighurghur patajani pazi, ve
tirav zi timatmaat. Saawe to Yoan, gavman to Rom tighamgham
tauvene. * **13:1:** Dan 7:2+; Syg 11:7 † **13:2:** Lepad, bea, ve
laion, ene gabua sasaghati tol tau tintiina kat ve tiravram tamtamon
timatmaat. * **13:2:** Dan 7:4+; Syg 12:3 * **13:3:** Gnp 3:15; Syg
17:8

tighe: “Aighat, sei irau gabua tane? Ve sei irau iparav tomania ve iliivo? Mako.”

⁵ Maaron ipul gabua saghati tawe ingin nugh irau kaiyo tamoot ru ve geege ru (42). Saawe tana, gabua tawe ipapait tauu eeza, ve isiksik saveen veleghiin naol pa Maaron. *

⁶ Tauvene ikaak aavo, ve isavia saveen veleghiin naol pa Maaron. Ivelegh Maaron eeza, ivelegh niia to lepoogh, ve ivelegh yes tau tilepleep tomania Maaron izi sambam na paam.

⁷ Ve Maaron ipul gabua tawe iparav tomania tamtamon tooni patabuyaana le iliiv zi. Ve ighur tamtamon tisov tileep ila gabua tawe saamba, lesa ingin zi. Tinizi, tomania gabuazi, alinazi, ve nugh toozi, ene ite ite. *

⁸ Ve eval tiina to taan tiput aghezi pa gabua tawe ve tipakuru. Ene yes tau ezazi igheen ila rau to lepoogh maata yaryaare mako. Rau tawe, Sipsip to Maaron tau tiravu imaat na, ta ingini. Muun geeg, saawe tau Maaron ighur sambam ve taan soone, i ibood tamtamon tooni ezazi ila rau tawe pataghaan wa. *

⁹ Tamtamon tau ighe le taliina, i aat iloon saveen tane, ve igham ngar pani poi.

¹⁰ Saawe tau gabua saghati tawe igham pooz, yes tau Maaron ighur zi to tilon tila ruum to yavyavuun, ene aat tilon tila ruum to yavyavuun itaghon i ngar tooni. Ve yes tau i ighur zi to timaat pa mbuzaagh, ene aat timaat pa mbuzaagh. Tauvene Maaron tamtamon tooni patabuyaana aat

* **13:5:** Dan 7:8, 25, 11:36; Syg 11:2 * **13:7:** Dan 7:21 * **13:8:** Lu 10:20; Ep 1:4; Syg 17:8, 20:12+

tikis ghuruun ıla toozi tunja, ve tiyooz ariaan pa badoon patanani. *

Gabua saghati ite tau ileep taan loolo ve iza

¹¹ Ra matag ıla le naghita gabua saghati ite ileep taan loolo ve iza. Zoonja ru imin sipsip. Eemon saveen tooni, ene raraate imin moot. ‡

¹² I igham iitete tau ivot imin maata na naagho, ve igherev eval tiina, lesa tileep ıla gabua tawe saamba. Tauvene tamtamon tisov tau tileep izi taan ve titaghon taan ngara na, i igham zi tiput aghezi pa gabua saghati tau ivot imin maata na, ve tipaiti. Ene i tau tiravu imaat, ve iburig muul. *

¹³⁻¹⁴ Gabua saghati tau imin ru na, Maaron ipuli igham gabua ngeretazi tintiina tivotvot. Tauta igherev tamtamon gha titaghon iitete tau ivot imin maata na pa ngar tooni. I irau igham yav sambam ve izilam taan ıla tamtamon matazi. Karom tooni tawe ikau tamtamon to taan ngar toozi. Tauta tigharaat iitete tau ivot imin maata na anunu ve tipakuru. Ene i tau tiravu imaat, ve iburig muul. *

¹⁵ Ve Maaron ipul gabua saghati tau imin ru na igham gabua ngereeta ite. Iitete anunu tau tigharaata na, i ighamu le anunu tawe imin gabua tau ileep maata yaryaare ve isavsav. Ve yes tau tiput aghezi pa anunu tawe mako na, anunu tawe pale isaav, ve tirav zi timaat. *

* **13:10:** Yer 15:2, 43:11; Mt 26:52; Hib 6:12; 1Pe 4:19; Syg 14:12

‡ **13:11:** Gabua saghati ite tau ziiri tane isavia na aat iza to propet karomja tau tikau tamtamon ngar toozi, ve tigherev zi pa ghamuun ngar to Sadan. * **13:12:** Mt 7:15, 24:11 * **13:13-14:** Lo 13:1+;

Mt 24:24; 2Tes 2:9+ * **13:15:** Dan 3:4+

¹⁶ Ve i iyau tamtamon tisov, ve izoornugh pazi ighe tigham iitete tau ivot imin maata na ilaal tooni ila nimazi tapir ma ndamozi. Yes tau ezazi tintiina, ve yes tau lezi ezazi mako, yes kuaz tauņa, ve yes mbolaņa, yes besooņa, ve yes tau besooņa mako.

¹⁷ Ve tighur tutuun ariiaanã tauvene: Yes tau lezi ilaal tawe, ene yes mon ta irau tighol gabua ve tigholia gabua toozi. Ve ighe mako, ene aat mako. Ilaal tawe, ene gabua saghati tau ivot imin maata na eeza. *

¹⁸ Ighe taghazon pa Maaron nãar tooni, ene aat tawatagh gabua tane puughu. Tauvene tamtamon tau le nãar, ene aat iwatagh eez to niniin gabua saghati tawe eeza, ve ighilaal puughu. Ilaal tooni, ene 666. Ve ene ilaal to tamtamon. §

14

Timbou mbouj paaghu izi loloz Zion

¹ Ra matag ila le naghita Sipsip to Maaron tomania tamtamon tooni ndinndin ndinndin (144,000)

* **13:17:** Syg 14:9, 16:2, 19:20, 20:4 § **13:18:** Zeran nãara siriv matazi inãal tighẽ: 7, ene izaã to gabua tau poia kat ve iduduun mon. Tauvene 7, ene namba to Maaron. Ve 6, ene izaã to gabua tau izuari ghi kat ighe le imin Maaron tauu, eemon irao mako. Tauvene 666, ene izaã to yes tau tivelegh Maaron, ve tipait tauzi tighẽ le tigham Maaron niia. Muun ve ilam, daaba siriv to taan tigham nãar tauvene. Ve saawe to Yoan paam, kinik tiina to Rom igham nãar tauvene. Nãara siriv tighẽ namba 666 inãari kinik saghati ee to yes Roma, eeza Nero. Pasaa, yes Israela lezi eez to niniin leta tau tighẽen ila tamtamon ezazi. Ve isaav ighe tanin leta to Nero eeza itaghon eez toozi, ene ivot imin 666.

tiyozyoos izi loloz Zion. Tamtamon tawe, tibood i yesuru Taama Maaron ezazi ila ndamozi. *

² Malau mako ve naloon eval tiina alinazi sambam ve izilam. Luutu tiina kat imin yaa katini tiyatyaat tizizi, ma lalaav lutluutu. Ve naloon gabua luutu poia kat imin tamtamon tirav gita ma vene.

³ Eval tiina tawe timbou mboun paaghu igharau Maaron niia to ghamuun pooz ila yes nginiina tamoot ee ve paan (24) tomania gabua matazi yaryaare paan naghozi. Ene yes tamtamon ndinndin ndinndin (144,000) to taan tau Sipsip to Maaron ighol zi timin le, ve ipas zi tivot pa saghati tapiri. Ve yes mon ta irau tiwatagh mboun tawe, ve timbouia. *

⁴ Ene yes tau tighurghur boog mako. Tingin tauzi poi. Tauvene tingalaan ila Maaron maata. *

Ve nugh sindei tau Sipsip to Maaron ighe ila pani, ene yes titaghoni mon. I ipas zi ila eval tiina to taan sosozi, ve ighol zi timin i le wa. Tauta yes timin aniin maata tau tighuru ila pa Maaron yesuru Sipsip tooni imin paitoon zi. *

⁵ Ve saveen karom eta ivot ila avozi mako. Tauta lezi sosor eta ila Maaron maata mako. *

Anjela tol

* **14:1:** Syg 7:3+ * **14:3:** Mbo 149:1; Syg 5:9 * **14:4:** Saveen tau Yoan iboode na, isaav tauvene: Tamtamon 144,000 tau ziiri tane isavi zi na, tila to yes zilivaa gha yesna tigheen mako. Zeran ngara katini tighe saveen tane, ene saveen palelaan tau inarui yes tau tileep soghan pa maaron karomna ve ngar sasaghati to taan, ve titaghon ngar ngalaanja mon ila Maaron maata. * **14:4:** 2Kor 11:2; Ep 5:27; Yems 1:18 * **14:5:** Kol 3:9

⁶ Ra matag ila le naghita aņela ee iroov ila sambam saamba. Vaaru poia tau igheen irau saawe, ene igheen tooni. I le uraat to ivotia saveeņ tawe pa tamtamon tisov tau tileep izi taan. Yes tinizi tomania aliņazi, gabuazi, ve nugh toozi, ene ite ite.
*

⁷ Aņela tawe isaav toman aliņa tiina ighe: “Saawe to gabizooņ tamtamon ve ghuruuņ atuya pazi, tauta ivot wa. Tauvene aroi pa Maaron, ve apait eeza pa tapiri ve poia tooni. I ta ighur sambam, taan, te, ve yaa naol isov tau tivotvot ila taan loolo. Tauvene aput aghemim pani ve apakuru.” *

⁸ Malau mako ve aņela ite, aana itaghoni ilam, ve isaav ighe: “Nugh tiina Babilon itap gha isaghat wa! Onoon kat, itap le isaghat kat! Nugh tau ighegherev tamtamon pa ngar tooni sasaghati, ve ikaukau ngar toozi imin ipaghun zi pa yaa ariaaņa, tauta aazne izi imin kaut sorok.” *

⁹ Aņela tawe ilam ila, ra ite imin tol, aana itaghon yesuru ilam, ve isaav aliņa tiina ighe: “Isaav ighe tamtamon eta iput aaghe pa gabua saghati, ma gabua tawe anunu, ve ipaiti, ve igham ilaal tooni ila ndaamo ma niima,

¹⁰ i aat ighun ila rubruub tau ivon kat pa aatyavyav to Maaron. Aatyavyav tawe, ene imin vaen tau ariaaņa kat. Irau Maaron izoola pa yaa ite paam to irav matin tapiri ne mako. Tauvene tamtamon tana, aat tighur yavyavuun tiina pani, ve yav tomania maet salfa tuntunu tau vaazi saghati na ighani ila Sipsip to Maaron tomania

* **14:6:** Mk 13:10 * **14:7:** Syg 15:4 * **14:8:** Is 21:9; Yer 51:8; Syg 17:1+

aņela patabuyaana naghosi. *

¹¹ Zeran tauvene, yav tau ighan zi na, mbuasa pale imbuņ tauvene taghon taghon gha ila. Irau isov mako. Tauvene yes tau tiput aghezi pa gabua saghati, ma gabua tawe anunu, tomania yes tau tigham ilaal tooni na, yav pale ighan zi tauvene irau mboņ ve mataaz taghon taghon gha ila. Irau timariau pa yavyavuun mako. *

¹² Tauvene Maaron tamtamon tooni patabuyaana aat tiyooz ariaaņ pa badooņ patanaņi. Ene yes tau titaghon tutuun to Maaron, ve tighur ila to Yesu ariaaņ.”

¹³ Aņela tawe isavsav le isov, ra nalooņ saveeņ sambam ve izilam ighe: “Ubood saveeņ tauvene: Aazne ve ila, yes tau tileep tunia ila to Tiina toit Yesu le irau mateegh toozi, ene pale poia to Maaron izaa toozi, ve tintinizi.”

Maaron Avuvu paam isavia saveeņ eemon ighe: “Onoon kat, yes pale timariau pa uraat ve patanaņi toozi. Ve ņgar popoia tau tighamgham zi na, pale igheen tomani zi ve tila.” *

Saawe to lupuun aniņ matuugha to Maaron

¹⁴ Ra matag ila le naghita taitai pisosooņa, ve ņeer ee mboole izala paavo. Neer tawe, naagho imin Tamtamon Naatu, ve moghar ndamoonda to kinik igheen ila daaba. Moghar tawe, tigharaata pa gol. Ve i ikis mbuzaagh kooka ee tau maata kat. *

* **14:10:** Mbo 11:6, 75:8; Is 51:17; Syg 13:16+ * **14:11:** Jud 1:7

* **14:13:** 2Tes 1:7; Hib 4:10 * **14:14:** Ezek 1:26; Dan 7:13; Mk 13:26+

¹⁵ Ra aņela ite ivot pa Rumei Tiina ta sambam we, ve iġoob pa ņeer tau ileep izala taitai paavo na ighe: “Saawe to lupuunġ aniinġ, ighe ivot tane. Pasaa, aniinġ wit tsio tau titum izi taan na, timatu-ugh wa. Tauvene ugham mbuzaagh tsio kooka tana, ve urav zi tizi.” *

¹⁶ Tauvene ņeer tau mboole izala taitai na, isik mbuzaagh tooni, ve irav wit tisov tau titum izi taan na, leso tiyau zi ve tilup zi ila ruum to aniinġ. †

Aatyavyav to Maaron iza to tamtamon

¹⁷ Malau mako ve aņela ite, aana ivot pa Rumei Tiina ta sambam we. I paam, ikis mbuzaagh kooka tau maata kat.

¹⁸ Ra aņela ite paam tau inġin yav to artaal na, ipul artaal ve ivot, ve iġoob pa iitete tau ikis mbuzaagh kooka na ighe: “Vaen to taan tisov tibulbuul wa. Ugham mbuzaagh tsio tana ula urav motin zi, ve ulup zi.”

¹⁹⁻²⁰ Tauvene aņela tawe isik mbuzaagh tooni, ve irav motin vaen tau tigheen izi taan ne anoņazi tisov tizi. Ra iyauur zi gha ilup zi, ve igham zi ila gha isuruuv zi ila Maaron nugh tooni to pisoonġ vaen tau igheen nugh tiina ziigge na. Pasaa, saawe to aatyavyav to Maaron iza toozi, tauta ivot wa. Tauvene tivaghaaz vaen anoņa tawe izi nugh to pisoonġ vaen le suuru tiina kat ivot. Ve ipot iza le raraate pa hos aaze. Ve ireer ila nugh malau irau 300 kilomita ma vene. Vaen suuru tawe, ene sinġ to tamtamon tau imalinġ. *

* **14:15:** Mk 4:29 † **14:16:** Saveeņġ ziiri tane aat isavia saawe tau Kriši imuul ilam ve iyau tamtamon tooni. * **14:19-20:** Syg 19:15

15

Aņela liim ve ru tikis pataņani liim ve ru

¹ Ra matag ila le naghita gabua tiina ite ivot izi sambam imin ilaal. Ilaal tawe, ite kat. Nagham ņgar pani le ņgar tsiau imbool. Naghita aņela liim ve ru tikis pataņani liim ve ru tau sasaghatizi kat. Patanaņani tawe pale tivot murei geeg to tipasov aatyavyav to Maaron. *

Tamtamon to Maaron tipait eeza ila mbouņ

² Ve naghita gabua ite. Tigharaata pa galas tomania yav. Gabua tawe, ghitooņa imin te, ve Maaron tamtamon tooni tiyooz ila ziige. Ene yes tau tiyooz ariiaan, ve tiliiv gabua saghati tomania anunu, ve ilaal to eeza. Yes tiput aghezi pani mako, ve tigham ilaal to eeza mako. Yes tikis gita tau Maaron igham pazi na, ve tipait Maaron eeza. *

³ Yes timbou mbouņ to Mose, i besooņa to Maaron. Mbouņ tawe iņarui Sipsip to Maaron paam. *
Timbou tauvene:

“O Maaron, Tiina tsiei, yo saksakim ve uņgin gabua naol isov. Uraat tau yo ughamgham zi, ene tintiina kat. Nigham ņgar pazi le nirao mako.

Yo kinik tiina kat tau uņgin nughmariņ. Ve ņgar tsio, ene iduduņ ve onoon mon. *

* **15:1:** Syg 11:18 * **15:2:** Syg 4:6, 12:11, 13:15+ * **15:3:** Muuņ, yes Israela tiyooz ila Te Siņsiņai ziige, ve tipait Maaron eeza ila mbouņ pa uleeņ tooni. Tamtamon tau saveeņ ziiri tane isavi zi na tauvene paam. Tipait Maaron eeza ila mbouņ. Pasaa, Sipsip to Maaron igham mulin zi, ve ighur atuya pa koiazņa. * **15:3:** Igham 15:1+; Lo 32:4+; Mbo 111:2

⁴ Tiina tsiei, yo mon ta patabuyaaj. Tauvene tamtamon tisov aat tiroi payo ve titaghon ngar tsio, ve tipait ezam pa tapirim ve poia tsio.

Nughmarin pale tisov tilam tiput aghezi payo, ve tipait ghom. Pasaa, ngar tsio tau ughurghur dudunai atuya pa tamtamon, tauta utotoia ivot ighazon wa.” *

Oon liim ve ru tau tivon pa aatyavyav to Maaron

⁵ Murei ra, matag ila le naghita balbaal patabuyaaj tau imin rumei izi sambam na. Loolo tau patabuyaaj kat na atamana ikaak. Ene loolo tau saveen mbuaaj to Maaron tomania tutuun tooni igheen ila. *

⁶ Anjela liim ve ru tau naghit zi imin maata na, tileep balbaal tawe loolo ve tivot. Yes tikis patanani liim ve ru tau sasaghati kat na le irau zi. Anjela tana nonoghiija toozi ingalaaj ve milmilia kat. Ve gabua milmilia tau tigharaat zi pa gol na igheen livutin gargarizi.

⁷ Ra gabua matazi yaryaare paaj, toozi ee irei oon geegeu liim ve ru le irau zi. Oon liim ve ru tawe, tigharaat zi pa gol, ve tivon kat pa aatyavyav to Maaron tau ileep irau saawe.

⁸ Ve Maaron mbonari ve tapiri tomania mbuasa ivot le ipavon Rumei Tiina tau iyooz izi sambam na loolo. Tauta eta irau ilonj ila mako. Yes aat tileep ve tisaajan le anjela liim ve ru tana tipasov uraat toozi to ghuruun patanani pa tamtamon le isov, o tilonj tila. *

* 15:4: Mbo 86:9 * 15:5: Syt 11:19 * 15:8: Igham 40:34

16

Tamtamon tiyamaan katin aatyavyav to Maaron

¹ Ra naloon saveen luutu tiina ivot ila rumei loolo ta sambam we, ve ilam pa anela liim ve ru tana ighe: “Aatyavyav to Maaron tau igheen ila oon tsiam lolozu na, ala alinj izila pa taan.”

² Ra anela tau imin maata na, igham oon tooni, ve imuun ila ilinj aatyavyav to Maaron izila pa taan. Tauvene yes tau tigham ilaal to gabua saghati ve tipait gabua tawe anunu na, mbotmboot igham zi. Mbotmboot tawe poia mako. Sasaghati, ve vavyavuunja tiina kat. *

³ Mako anela ite imin ru, aana igham oon tooni, ve ila ilinj aatyavyav to Maaron izila pa te, le te itoora imin sinj to yes mateegha. Tauvene gabua naol isov tau tileep ila te loolo na, timatmaat le tisov. Eta ileep muul mako. *

⁴ Mako anela ite imin tol, aana igham oon tooni, ve ila ilinj aatyavyav to Maaron izila pa yaa, le yaa tisov timin sinj paam. Yaa tau tirereer, ve yaa tau tivotvot ila taan puura na paam.

⁵ Ve naloon anela tau injin yaa na, isaav pa Maaron ighe:

“Yo uleep muun geeg, ve aazne paam. Ve yo patabuyaan kat.

Ngar tau yo ughamu to uyat ngar sasaghati to tamtamon, ene iduduun mon. *

* **16:2:** Igham 9:9+; Syg 13:12+ * **16:3:** Syg 8:8+ * **16:5:** Mbo 119:137

6 Pasaa, yes tiliŋ siŋ pa tamtamon tsio patabuyaana, ve yes propet. Tauta anam ugham zi tighun siŋ. Atuya toozi tawe, ene iduduun kat pa ŋgar tau yes tighamu na.” *

7 Ve naloŋ saveeŋ ivot pa artaal ve ilam ighe: “Onoon kat. Maaron, Tiina tsiei, yo saksakim ve uŋgin gabua naol isov. Gabizoon tsio ve atuya tau ughuru pa tamtamon, ene iduduun ve onoon mon.”

8 Mako aŋela ite imin paan, aana igham oon tooni, ve ila iliŋ aatyavyav to Maaron iŋarui aaz. Tauvene aaz ighaaz kat, ve isalaam tamtamon imin yav. *

9 Aaz ighaaz katin zi le tinizi ipopop. Eemon lolozi pa toraan ŋgar toozi mako ve tipait Maaron eeza mako. Tiburig ve tisik saveeŋ sasaghati naol pani. Pasaa, yes tiwatagh: I ta iŋgin pataŋani tawe.

10 Mako aŋela ite imin liim, aana igham oon tooni, ve ila iliŋ aatyavyav to Maaron izila pa gabua saghati niia to ghamuun pooz. Tauvene yes tau tileep ila i saamba na, ndoroom tiina ikau zi. Ve yavyavuun tiina igham tamtamon le livozi kikia. *

11 Tauvene tisik saveeŋ sasaghati naol pa Maaron to sambam. Pasaa, yavyavuun tiina ve mbotmboot sasaghati igham zi. Eemon titoor lolozi ve tipul ŋgar toozi sasaghati mako. *

12 Mako aŋela ite imin liim ve ee, aana igham oon tooni, ve ila iliŋ aatyavyav to Maaron ila pa

* **16:6:** Mt 23:34+; Syg 11:18 * **16:8:** Syg 8:12 * **16:10:** Igham 10:21+; Syg 9:2 * **16:11:** Syg 9:20+

yaa tiina Euprates, le imaaak ve imamaas. Leso igharaat eez pa yes kinik to aaz puughu tilam. *

¹³ Ve naghita avuvu sasaghati tol. Ghitonazi imin gob. Ee ivot ila moot aavo, ite ivot ila gabua saghati aavo, ve ite imin tol pani, ene ivot ila propet karom tau igham gabua saghati naagho na aavo. *

¹⁴ Avuvu sasaghati tawe pale tigham gabua ngeretazi tintiina ivotvot imin ilaal pa tamtamon. Isaav ighe saawe tiina to Maaron saksaki igabiiz tamtamon ve ighur atuya pazi ilam igharau, ene pale tila tipazaagh yes kinik irau taan isov, lesa tiyau zaaba toozi tilam, ve tipaburigin malmal pa Maaron. *

¹⁵ [Ve matamim ingal Krisi aliina tau isaav ighe:] “Aloon. Yau aat nalam napateen gham imin neer to umbuun. Tauvene tamtamon tau ighe igharaat ghi pataghaan, ve imamaat ariiaan le nalam, ene aat tintini pa poia to Maaron tau pale izaa tooni. Eemon isaav ighe tamtamon eta igharaat ghi mako, ene pale ivaghamgham, ve maaya imin neer tau kambaamba.” *

¹⁶ Tauvene avuvu sasaghati tawe tila tiyau yes kinik tomania zaaba toozi ve tilup zi izi nugh tau tiwaat eeza ila saveen Hibu ru tighe Armagedon. Leso tigham malmal izi ta sewe. *

¹⁷ Mako anela ite imin liim ve ru, aana ila ilin aatyavyav to Maaron izila pa sambam saamba. Ve saveen ivot toman luutu tiina ila Maaron niia

* **16:12:** Syg 9:14 * **16:13:** 1Yo 4:1+; Syg 12:3, 13:1, 11 * **16:14:** Mbo 2:2+; Mt 24:24; 2Tes 2:9; Syg 17:14 * **16:15:** Mt 24:42+; 1Tes 5:2+; 2Pe 3:10 * **16:16:** Sek 12:11; Syg 19:19

to ghamuun pooz ta Rumei Tiina loolo we. Isaav ighe: “Tauta ene. Isov wa!”

¹⁸ Ra nugh ighani milia, lalaav pelia, ve luutu gurungurunya, ve yogyoog itok. Yogyoog tawe, tiina le tiina kat. Saawe tau Maaron ighur tamtamontivot izi taan ve ilam, yogyoog tiina eta tauvene itok taan pai eta soone.

¹⁹ Yogyoog tawe igham taan to nugh tiina Babilon ivavaal le imin sirivu tol. Ve nugh tintiina to taan tisov tauvene paam, tisaghat ve timbiriis. Tauvene Maaron loolo iveegh pa nugh tiina Babilon *

sosor tooni mako. Maata ingalngali, tauta ipaghunu pa vaen ariaana kat. Vaen tawe, ene aatyavyav tooni tau tiina le tiina kat. *

²⁰ Saawe tana, sisi tisov tilalez. Ve loloz paam, eta igheen muul mako. *

²¹ Ve ais paatu paatu titaptap sambam tizizi, ve tiravrav tamtamont. Ais paatu paatu tawe, geegeu mako. Patanani to paatu enaena, ene irau 50 kilogram ma vene. Tauvene tamtamontisik saveen sasaghati naol pa Maaron. Pasaa, patanani tawe, tiina le tiina kat. *

17

Livaa to eez tau ighegherev tamtamont pa ghamuun ngar sasaghati

* **16:19:** Babilon, ene iza to nugh tiina Rom, tomania ngar naol to taan tau ighegherev tamtamont gha tighur murizi pa Maaron. Yoan loolo pa watoon Rom eeza duduun mako, tauta iwaato ighe Babilon. * **16:19:** Syt 11:13, 14:8, 18:2+ * **16:20:** Syt 6:14

* **16:21:** Igham 9:23+; Syt 11:19

¹ Ra yes aņela liim ve ru tau tikis oon liim ve ru na, toozi ee ilam ve isaav payau ighe: “Ulam ve natotoi ghom pa atuya tau pale iņarui livaa to eez tau mboole izala yaa tintiina naol pavozi na. *

Livaa tawe, i eeza tiina kat. *

² I ta ighegherev yes kinik to taan, ve yesņa tighurghur boog. †

Ve yes kinik mon mako. I ikau ņgar to eval tiina tau tileep izi taan, ve titaghoni pa ņgar tooni saghati le imin ta tighun vaen ariiaanņa gha ņgar toozi ivaghamgham.” *

³ Ra Avuvu Patabuyaan tapiri iza a tsiau, ve aņela tawe igham ghau nala navot nugh ņginaanņa. Navot ta sewe, le naghita livaa ee ilepleep. Mboole izala gabua saghati ee paavo. Gabua tawe, tiini siņsiņai kat ve bodeeņ naol irau tiini isov. Bodeeņ tawe, ene imin eeza. Eeza naol tawe, pughuzi eemon. Pughuzi tauvene: I ivelegh Maaron ve ipait tauu eeza ighe i Maaron. Gabua tana, daaba liim ve ru, ve zoonņa saņavul. *

⁴ Livaa tawe inonogh ghi pa nonoghiinņa poia kat tau ņgereeta aindan ve siņsiņai. Ve itiik tauu pa

* **17:1:** Livaa to eez ve nugh tiina Babilon, ene saveeņ palelaan ru tau iza a to nugh tiina Rom, tomania ņgar maata maata to taan tau ighegherev tamtamon gha tighurghur murizi pa Maaron. Yaa naol tane, ene iza a to nughmarin to taan. Livaa tane mboole izala pavozi pasaa, i ta iņgin zi. Nugh Babilon duduun, le yaa katini tau tireer ila nugh loolo. Saveeņ tane, puughu tauvene: Ngar to Babilon (o ņgar sasaghati to taan) ighamgham pooz pa nughmarin.

* **17:1:** Yer 51:12+; Syt 18:1+ † **17:2:** Ghuruun boog tane iza a to ņgar tau taghur loloon pa gabua to taan, ma maaron karom eta, ve taghur muriin pa Maaron tauu. * **17:2:** Yer 51:7; Syt 14:8, 18:3

* **17:3:** Syt 13:1-8

gabua popoiazi naol imin gol, maet milmlia siriv ve ngool maata. I ikis rubruub ee tau tigharaata pa gol. Rubruub tawe, ivon pa ngar sasaghati naol, ve ngar to ghuruun boog tau livaa tana ighamghamu. Ngar tauvene ingalaan ila Maaron maata mako. Saghati kat.

⁵ Ve tibood livaa tana eeza ila ndaamo. Eeza tawe, saveen palelaan. Isaav tauvene:

“Ene nugh tiina Babilon. Zilivaa to eez, tomania tamtamon tisov tau tighamgham ngar sasaghati kat izi taan, i ta imin tinazi. Pasaa, i ta ipapazaagh zi pa ghamuun ngar tauvene.” *

⁶ Yau naghita livaa tana ighun le ngar tooni ivaghamgham. Pasaa, Maaron tamtamon tooni patabuyaana tau tipariaan Yesu saveen tooni na, i ikaria ghunuun sin toozi. I ta ipapazaagh tamtamon pa ravuun zi timatmaat. Yau naghita, le naghama ngar naol ve ngar tsiau imbool. *

⁷ Tauvene anela tana ighason ghau ighe: “Pu-ughu mindai ta yo ugham ngar naol? Gabua saghati tau daaba liim ve ru ve zoonja sanjavul, tomania livaa tau ileep izala gabua tawe paavo ne, ene ngara yongaanja. Eemon yau aat napaghazonjai ghom pani.

⁸ Gabua saghati tau yo ughita na, muun i ileep. Ve aazne, ileep mako. Eemon malau mako pale iza muul pa puura tau le puughu mako na. Ve ileep rig, o Maaron ivaghamunia gha ilale. Muun geeg, saawe tau Maaron ighur sambam ve taan soone, tibood tamtamon tooni ezazi ila rau to lepoogh maata yaryaare wa. Tamtamon tisov tau

* 17:5: Syg 14:8 * 17:6: Syg 6:9, 12:11, 16:6

ezazi igheen ila rau tawe mako na, yes pale tighita gabua saghati ve tirur pani. Pasaa, muun, i ileep. Ve aazne ileep mako. Eemon murei pale ivot muul. *

⁹“Tamtamon tau le ngar, i aat ighazoon pa gabua tane puughu. Gabua saghati tau daaba liim ve ru, ene izaa to loloz liim ve ru tau livaa tana ileep izala na. ‡

Ve izaa to kinik liim ve ru paam.

¹⁰ Toozi liim, uraat toozi isov gha tizi wa. Ve ite imin liim ve ee, tauta aazne ilepleep ve ighamgham pooz. Ve ite imin liim ve ru, i ivot soone. Eemon saawe tau ighe ivot, i aat ileep malau rig.

¹¹ Gabua saghati tau muun ileep ve aazne ileep mako na, ene kinik tau imin liim ve tol pani. Yesna kinik liim ve ru tawe, ngar toozi raraate. I aat ileep rig, o Maaron ivaghamunia gha ilale kat.

¹² “Ve zoonja sanjavul tau ughit zi na, ene izaa to kinik sanjavul. Eemon saawe toozi to ghamuun pooz, ene soone. Pale tisanjan le saawe to yesna gabua saghati tawe tigham tapirizi, o tilup zi, ve tingin taan pa sooso rigmon. *

¹³ Kinik sanjavul tawe, ngar toozi eemon. Ve yes pale tighur tapirizi tomania gabua tisov tau tingin zi na ila to gabua saghati tana, leso tipaloti.

¹⁴ Ve yesna gabua saghati pale tilup zi ve tiparav tomania Sipsip to Maaron ve tamtamon tooni. Eemon pale tirao mako. Sipsip to Maaron pale iliiv zi. Pasaa, i tiina iliiv zimaronja tisov. Ve i kinik

* **17:8:** Dan 12:1; Syg 13:1+ ‡ **17:9:** Nugh tiina Rom igheen izala nugh mbua liim ve ru. * **17:12:** Dan 7:24

tiina tau iliiv kinik tisov. Tamtamon tooni, ene yes tau i tauu isiigh zi, ve ipoi zi timin i le, ve tikis ghuruun ila toozi ariaan.” *

¹⁵ Ra anela tana isaav payau muul ighe:

“Yaa naol tau ughita livaa to eez mboole izala pavozi na, ene izaa to nugh mariņ to taan tau tinizi, tomania gabuazi, ve alinazi ite ite.

¹⁶ Gabua saghati zoonja sanjavul tau ughit zi na, ene izaa to kinik sanjavul. Murei pale yesna gabua tawe titoor ngar toozi, ve tighur koi pa livaa to eez tawe, ve tivaghamunia kat. Pale tirangat nonoghiinja tooni le kambanmbanji, ve tighan miiza, mako tisiki izala yav ighani gha ilale. *

¹⁷ Pasaa, Maaron ighur ngar igheen ila kinik sanjavul tawe lolozi wa ighe tilup ngar toozi imin eemon, ve tipuliir gabua tau tinginngin zi na ila gabua saghati niima. Leso ingin zi le irau Maaron saveen tooni ighur anoonja. Tauvene ngar tane pale ivot itaghon Maaron tauu ngar tooni.

¹⁸ “Livaa tau yo ughita na, ene izaa to nugh tiina tau ighamgham pooz pa kinik tisov to taan.”

18

Babilon itap izi imin kaut sorok

¹ Murei ra, matag ila le naghita anela ee ipul sambam ve izilam. I tapiri tiina kat, ve mbonari isul taan le ighazon kat. *

² I iboob aliinja tiina kat ighe:

* **17:14:** 1Tim 6:15; Syt 16:14, 19:19
18:8 * **18:1:** Syt 10:1

* **17:16:** Ezek 16:37+; Syt

“Nugh tiina Babilon isaghat wa! Itap le isaghat kat! Aazne, nugh balim kat. Tamtamon eta ileep muul mako.

Gabua naol tau tingalaan ila Maaron maata mako na, tighamu imin lezi niazi to lepoooh. Avuvu sasaghati, man sasaghati, ve gabua sasaghati naol tau loloon pa ghitoon zi mako na, tilup zi ta sewe. *

³ Pasaa, nugh tawe ta ighegherev nughmarin pa ghamuun ngar saghati ve yesna tighurghur boog. Ve ipaghun zi pa vaen tooni ariaana kat le ngar toozi ivaghamgham. Yes kinik to taan paam. Yesna tighurghur boog.

I ighe igham le taan pabodeena naol, ve ileep poia le poia kat. Tauta zeran to raukoliin tilala tooni, ve tigholia gabua toozi ila tooni, ve timin kuaz tauu.” *

⁴ Ve naloon saveen ite sambam ve izilam ighe:

“Tamtamon tsiau, apul nugh tana ve aghawaar. Mako pale iyes gham pa ngar tooni saghati, ve patanani tau pale izaa tooni na izaa tsiam paam. *

⁵ Pasaa, sosor tooni ivandou ghi izala izala le ikis sambam saamba. Ngar tooni sasaghati naol isov tawe, Maaron maata kisin zi. *

⁶ Ngar saghati tau i ighamghamu na, apamuule ila pani. Ve atuya tau aghe agham pani na,

* **18:2:** Is 13:19, 21:9; Yer 50:39+ * **18:3:** Syg 14:8, 17:2 * **18:4:**
Gnp 19:12+; Yer 51:6; 2Kor 6:17 * **18:5:** Gnp 18:20+; Yona 1:2

aghur ite paam izala paavo ve agham pani!
 Muun, i itoor yaa ariaaᅇa pa tamtamon ve
 ipaghun zi. Tauvene aazne, yam aat atoor
 yaa ariaaᅇa kat ve aliᅇi ila i tauu rubruub
 tooni le ivon kat. Leso ighunu le isoon
 katini. *

- ⁷ Muun, i ipakur ghi kat, ve igham le taan pa-
 bodeeᅇa naol, ve lepoogh tooni poia le poia
 kat. Tauvene i aat iyamaan yavyavuun
 tiina ve itaᅇ, lesa iyat ᅇgar tooni tawe.
 Pasaa, i igham tiini ighe: ‘Yau garwaat tinazi.
 Nambool pa gabua eta mako. Yau aat
 naleep ila niag to ghamuun pooz, ve lep-
 oogh tsiau poia mon taghon taghon gha ila.
 Yau naar gha lesa nataᅇ? Mako. Pataᅇani
 eta irau ivot payau mako.’ *

- ⁸ Pataᅇani naol tau Maaron pale ighuru pani, ene
 pale tisov tivot pani pa aaz eemon. Saawe
 tana, taᅇiiz, pitool, ve moroghoon tomania
 mateegh pale tivot pani. Ve yav aat ighani
 le imin avav.
 Pasaa, Tiina toᅇt Maaron tau pale ighur atuya
 pani, i saksaki ve tapiri tiina kat.” *

- ⁹ Yes kinik to taan tau muun yesᅇa livaa tana
 tighur boog ve tigham lepoogh poia kat ila tooni
 na, isaav ighe tighita yav ighani gha mbuasa im-
 bun, ene pale lolozi isaghat kat ve titaᅇ tiina pani.
 *

* **18:6:** Mbo 137:8; Yer 50:29 * **18:7:** Is 47:7+ * **18:8:** Yer 50:34
 * **18:9:** Yer 50:46; Ezek 26:16+

¹⁰ Tighita yavyavuun tiina ighamu le roin tiina igham zi. Tauta tileep soghan ve tinjuzuuva tigde:

“Oyai, ukaria taum wa! Aa nugh tiina, ukaria taum wa!

Babilon, yo ezam ve tapirim tiina. Eemon aazne, ugham atuya tsio, ve rekia mon saghatiin tiina igham ghom gha umbiriis.”

*

¹¹ Ve zeran to raukoliin irau taan isov pale lolozi ipatanan ve tipanin pani. Pasaa, lezi tamtamon eta to ighol gabua toozi muul mako. *

¹² Muun, yes tigholia gabua maata maata ila tooni: Gol, silva, ngool maata, ve maet milmiliala siriv tau popoiazi ve atuyazi tintiina. Ve uuli popoiazi tau ngeretazi pisosoonja, aindan, ma sinjinai, ve ai siriv tau vazizi popoia tomania gabua popoia naol tau tigharaat zi pa elepan zoonja, ve ai popoia tau atuyazi tintiina, ain, baras, ve maet siriv paam tau ngeretazi popoia.

¹³ Ve gabua maata maata siriv tau vazizi popoia ve atuyazi tintiina. Ve vaen, ngoreen, aniin, makau, sipsip, ve hos tomania karis. Ve tigholia tamtamon paam gha timin besoonja sorok. Gabua naol tane, irau tiraukol pazi ta sewe muul mako.

¹⁴ Ve yes pale tisaav pa nugh tiina Babilon tigde:

“Gabua naol isov tau lolom ighaar pa ghamuun zi na, eta igharau ghom muul mako. Kuaz tsio tisov tau popoiazi kat ve ughamgham ezam pani na, tisov tilalez wa. Irau ughit zi muul mako.”

¹⁵ Zeran to raukoliin tau muun tigholia gabua toozi izi nugh Babilon ve timin kuaz tauu na, pale

* **18:10:** Is 21:9 * **18:11:** Ezek 27:28-36

tiroi pa yavyavuun tiina tau ighamu na. Tauvene yes pale tileep soghan pani, ve tipanin pani tighe:

16 “Oyai, ukaria taum wa! Aa nugh tiina, ukaria taum gha usaghat kat!

Muun, yo unonogh ghom pa nonoghiina popoiazi kat tau ngeretazi pisosoonja, aindan, ve sijsinjai. Ve utiik taum pa gabua maata maata tau tigharaat zi pa gol, ngool maata, ve maet popoia siriv tau atuyazi tintiina.

17 Eemon saawe tuuku tane, kuaz tsio tawe tisov tisaghat gha tilalez.”

Ve yes daaba to waan tomania uraata toozi, ve yes tau tizaa waan tomani zi na, ve tamtamon tisov tau tiravraav pa raukoliin na paam, pale tisov tiyooz soghan.

18 Ve matazi ila pa mbuas tau izazaa pa nugh tiina Babilon na, ve tipasawal pani tighe: “Oyai, saa nugh tiina ite paam ta irau Babilon?”

19 Tauvene lolozi ipatanjan, titan tiina ve timon pani. Ve tinuzuuva tighe:

“Oyai, ukaria taum wa! A nugh tiina, ukaria taum gha usaghat kat!

Aazne, paita umbiriis gha ulalem. Pale nigham mindai?

Kuaz tsio mon, tauta yei tau lemai waan ne, nisov nimin kuaz tauja.”

20 “Tauvene yam to nugh sambam, yam mbanoonja to Krisi, yam propet, ve yam tamtamon patabuyaana to Maaron, lolomim poia ve tintinmim! Pa aazne, Maaron igabiiz nugh tiina

Babilon, ve ighur atuya pani to iyat sosor tau i igham payam na.”

²¹ Ra naghita anela ee tau tapiri tiina, igham maet tiina ee, ve isiki izila pa te, ve isaav ighē:

“Ngar raraate tauvene pale ivot pa nugh tiina Babilon. Pale tireua ilale. Irau tighita muul mako.

²² Tauvene tamtamon eta pale ileep izi nugh Babilon ve iloon mboun, gita, tavuur, pirai, ma gabua ite paam luutu ta sewe muul mako.*

Ve zeran tau tighagharaat gabua maata maata na paam, eta pale ileep ta sewe muul mako.

Ve maet tintiina to mumuun wit imin palawa paam, irau taloon lutuzi ila nugh loolo muul mako.

²³ Ve lam eta irau mbonari isul nugh loolo muul mako.

Ve oroor to vaivaiņa paghpaaghu irau ivot ila nugh loolo muul mako.

Zeran tsio to raukoliņ, tirao kat. Tiliiv tamtamon tisov to taan.

Ve mur tsio, ene ikau nughmarin ngar toozi le tisor pa eez to Maaron.

²⁴ Yo ulinliņ sin pa tamtamon patabuyaņa to Maaron ve yes propet tooni tomania eval tiina to taan. Tauta lem sosor tiina kat ila Maaron maata.”*

* **18:22:** Yer 25:10 * **18:24:** Mt 23:35+; Syg 17:6+

19

Tipakur Maaron izi nugh sambam

¹ Murei ra, nalooŋ oroor tiina ivot izi nugh sambam imin eval tiina timbou. Tighe:

“Aleluia, tapait Tiina toit Maaron! I igham mulin għiit gha taleep poia wa. I eeza tiina. Ve tapiri paam, tiina le tiina kat. *

² Isaav ighe i igabiiz tamtamon ve ighur atuya pazi, gabizooŋ tooni ene iduduun ve onoon mon.

Livaa to eez tau eeza tiina na, i ighegherev tamtamon to taan pa ŋgar tooni sasaghati, ve yesŋa tighurghur boog. Tauta Maaron ighur atuya pani.

Muun, livaa tawe ilinlin siŋ pa yes besooŋa to Maaron. Tauta aazne, Maaron iyat ŋgar tooni tawe.” *

³ Ra eval tiina tana tiboob muul tige: “Aleluia! Yav tau ighan livaa saghati tawe, mbuasa pale izazaa tauvene taghon taghon gha ila.” *

⁴ Ra ŋginiinŋa tamoot ee ve paan (24), tomania gabua matazi yaryaare paan, titap tizi, ve tipait Maaron tau ileep ila niia to ghamuun pooz na eeza tige: “Aleluia! Onoon kat. Iit tapait Maaron eeza!”

⁵ Ra saveeŋ ivot ila Maaron niia to ghamuun pooz ve ilam. Ige: “Yam besooŋa to Maaron tau aroi pani ve ataghon ŋgar tooni na, asov apakur

* **19:1:** Syt 7:10, 12 * **19:2:** Syt 15:3, 16:7 * **19:3:** Syt 18:9, 18

Maaron toit eeza! Yam tau ezamim tintiina, ve yam tau lemim ezamim mako na paam.” *

⁶ Malau mako ve naloon oroor tiina ivot izi sambam muul. Oroor tawe, luutu imin eval tiina tiboboob. Ve imin nugh tau yaa katini tiyatyaat tizizi pani, ve imin lalaav lutluutu tiina. Eval tiina tawe tisaav tighe:

“Aleluia! Iit tapait Tiina toit Maaron eeza. I saksaki, ve ighamgham pooz irau saawe. *

⁷ Iit tintiniin ve loloon poia, ve tapait eeza pa tapiri ve poia tooni. Pasaa, Sipsip to Maaron vain tooni, tauta ighe ivot tane.

Livaa tau tisiigho pani na, i igharaat ghi wa. *

⁸ I inonogh ghi pa nonoghiina pisisoonja tau Maaron tauu igham igham pani na. Nonoghiina tawe, ingalaan ve milmilia kat.” (Nonoghiina tana izaa to ngar duduunja maata maata tau Maaron tamtamon tooni patabuyaana tighamgham zi na.) *

⁹ Ra anjela isaav payau muul ighe: “Ubood saveen tauvene: ‘Yes tau tisain zi tilam pa Sipsip to Maaron vain tooni ve yesja tilup zi pa ghanghaniin na, ene pale tintinizi pa poia to Maaron tau izaa toozi.’” Ve ipariaan saveen tooni ighe: “Saveen tane, ene saveen onoon to Maaron.” *

¹⁰ I isaav tauvene, ve natap nazi aaghe puughu naghe napakuru. Eemon i ingalsekin ghau ighe:

* **19:5:** Mbo 22:23; Syg 11:18 * **19:6:** Mbo 93:1; Syg 11:17

* **19:7:** Mt 22:2; 2Kor 11:2; Ep 5:32; Syg 21:2, 9 * **19:8:** Is 61:10;

Syg 3:5 * **19:9:** Lu 14:15+

“Wai, ugham vene sov! Yau besoonja to Maaron imin yo ve yes tonjetaz tsio tau yamja akis saveen onoon to Yesu ariaan, ve apariaan tamtamon to tighur ila tooni. Tauvene uput aghem ve upakur Maaron mon. Pa uraat tauu to yes propet, ene tauvene: Yes tipariaan tamtamon, lesu tighur ila to Yesu.”

Malmal tiina to Mboj Murei

¹¹ Ra matag ila le naghita sambam ikaak. Ve naghita hos pisosoonja ee. Neer ee ileep izala paavo. Neer tawe, tiwaato tighe: ‘Neer to ighamgham ngar onoon ve itaghon saveen mbuaan tooni.’ Isaav ighe i igabiiz tamtamon ve ighur atuya pazi, ma igham malmal, ene i itataghon ngar duduunja mon. *

¹² Maata imin yav yaama. Ve moghar ndamoonda katini to kinik tighenaar ila daaba. Ve tibood eeza ila tiini pataghaan wa. Eeza tawe, tamtamon ite paam iwatagh puughu mako. I tauu mon ta iwataghi. *

¹³ Nonoghiinja tooni, sinj ikaria le isaghat. Tiwaat eeza tighe: ‘Neer tau ipaghazonjai ghiit pa saveen ve ngar to Maaron.’ *

¹⁴ I imuun, ve zaaba katini to sambam titaghoni. Yes tileep izala hos pisosonjazi, ve nonoghiinja toozi pisosoonja ve ngalaanja kat.

¹⁵ Neer tau imuun pazi na, mbuzaagh ee tau maata kat igheen ila aavo. Leso irav tamtamon to nugh nugh pani. Ve i aat ingin zi ve igham pooz pazi. Ve pooz tooni, ene ariaanja kat. Tauvene i

* **19:11:** Mbo 45:3, 96:13; Syg 1:5, 6:2 * **19:12:** Dan 10:6; Syg 1:14, 2:18 * **19:13:** Is 63:2+; Yo 1:1, 14

aat ivaghaaz zi ila aaghe saamba, ve siŋ toozi ireer imin vaen tau tivaghaaza gha suuru izi. Leso ito-toi aatyavyav to Maaron saksaki tau ighamgham pooz pa gabua naol isov na. *

¹⁶ Neer tana, tibood eeza ila nonoghiija tooni ve ila ŋgoi paam tauvene: ‘Kinik Tau Iliiv Kinik Tisov,’ ve ‘Maaron Tiina Tau Iliiv Zimaronŋa Tisov.’ *

¹⁷ Ra naghita aŋela ee iyooz ila aaz loolo, ve iboob ila pa man tisov tau tirovroov ila taitai saamba na ighe: “Yam alam alup gham pa ghanghaniŋ tiina to Maaron! *

¹⁸ Leso aghan tamtamon tisov to taan mizazi. Yes kinik, yes daaba to malmal, yes tau tapirizi tiina, hos tomania yes tau tilandoov zi na, yes besooŋa, yes tau besooŋa mako ve tiŋgin tauzi, yes tau ezazi tintiina, ve yes tau lezi ezazi mako na paam. Aghaniir zi tisov.”

¹⁹ Ra naghita gabua saghati ve yes kinik to taan tomania zaaba toozi tilam tilup zi tigde tigham malmal pa ŋeer tau ileep izala hos pisosooŋa paavo na, tomania zaaba tooni. *

²⁰ Eemon tapirizi irao mako. Gabua saghati tana, yesuru iitete tau propet karom na, ŋeer tawe tomania zaaba tooni tigham zi, ve tisik zi matazi yaryaare ve tizila puura tiina tau ivon pa maet salfa ve yav tau ighanghan irau saawe. Propet karom tawe, muuŋ igham gabua saghati naagho, ve ighamgham gabua ŋgeretazi ila tamtamon matazi. Tauta itombaan zi gha tigham ilaal

* **19:15:** Syg 1:16, 12:5, 14:19+ * **19:16:** 1Tim 6:15; Syg 17:14

* **19:17:** Ezek 39:17+ * **19:19:** Mbo 2:2; Syg 16:14, 17:12+

to gabua saghati, ve tiput aghezi pa gabua tawe anunu.*

²¹ Gabua ru tawe zaaba toozi paam, ñeer tau ileep izala hos pisosooŋa paavo na, irav zi pa mbuzaagh tau igheen ila aavo, le tisov timataar. Ra man tisov tiroov tila, ve timbutur izala pavozi, ve tighan tighan le apozi isun.

20

Ndaman ndiŋndiŋ ndiŋndiŋ ee (1,000)

¹ Murei ra, matag ila le naghita aŋela ite ileep sambam ve izilam. I ikis ki to puura tau le puughu mako na, tomania sen tiina ee tau ariiaanŋa kat.*

²⁻³ I izila ve ikis moot tau ileep muuŋ geeg ve ilam. Moot tawe, tiwaat eeza tigde: ‘Ñeer Saghati’ ve ‘Sadan.’ Aŋela tawe ikauu pa sen le tuŋia, ve isiki izila puura tau le puughu mako na, ve ipoon puura tawe aavo le tuŋia kat. I pale ileep ta sewe irau ndaman ndiŋndiŋ ndiŋndiŋ ee (1,000). Leso itombaam tamtamon to nughmarin muul sov le ndaman ndiŋndiŋ ndiŋndiŋ ee (1,000) tana isov. Mako tipool sen pani, ve tipuli ivot ilaagh rig.*

⁴ Ve naghita yes tau Maaron ighur zi pa uraat to gabizooŋ na, mbolezi izi ila niazi to ghamuun pooz. Ve naghita Krisi tamtamon tooni tau tirav motin luazi na anunuzi paam. Zeran tawe tiput aghezi pa gabua saghati ma gabua tawe anunu mako, ve tigham ilaal tooni ila ndamozi ma ni-mazi mako. Yes titaghon Maaron aliinŋa, ve tipari-aan tamtamon to tighur ila to Yesu. Yes tiburig pa

* **19:20:** Dan 7:11; Syg 13:13, 20:10 * **20:1:** Syg 9:1 * **20:2-3:** Lu 10:18+; Yo 12:31; Syg 12:9

mateegh imin maata, ve yesŋa Kriŋi tigham pooz pa ndaman ndiŋndiŋ ndiŋndiŋ ee (1,000) tana. *

⁵ Ene burigiŋ to mateegha tau ivot imin maata. Ve mateegha siriv, yes aat tisaŋan le ndaman ndiŋndiŋ ndiŋndiŋ ee (1,000) tana isov, o anazi tiburig. *

⁶ Yes tau tiburig pa mateegh imin maata na, ene Maaron tamtamon tooni patabuyaŋa. Yes pale tintinizi pa poia to Maaron tau izaŋa toozi. Ve mateegh tau imin ru pani na, le tapiri eta to itatan zi mako. Ndaman ndiŋndiŋ ee (1,000) tana, yes aat timin zeran to watoonrau pa Maaron ve Kriŋi, ve yesŋa Kriŋi pale tigham pooz. *

Neer Saghati ilale

⁷ Isaav ighe ndaman ndiŋndiŋ ndiŋndiŋ ee (1,000) tana isov, ene aat tikaak puura tau tisik Neer Saghati ilonj ila na, ve tipuli ivot.

⁸ Mako ila itombaan nugh mariŋ to taan isov ve ilup zi. Leso tigham malmal pa Maaron tamtamon tooni imin Gog ve Magog. *

Maaron koiŋa tawe, irau tanin zi mako. Yes eval kat imin sausau to nari. *

⁹ Yes pale tileep taan ziige ta naol ne, ve tilam tivot nugh tau Maaron tamtamon tooni tileep pani na. Ve tilivutin zi tomania nugh tiina Yerusalem tau Maaron loolo pani kat na, leso tigham malmal

* **20:4:** Dan 7:27; 1Kor 6:2+; 2Tim 2:12; Syg 3:21, 5:10 * **20:5:**
 1Tes 4:16 * **20:6:** Ro 5:17; 1Pe 2:5, 9; Syg 1:6, 2:11, 20:14 * **20:8:**
 Magog ve Gog, ene izaŋa to yes nugh nugh tau tighur koi pa Maaron
 ve tamtamon tooni. Ughita Ezekiel 38:2, 8+. * **20:8:** Syg 16:14

pazi. Eemon yav to Maaron pale sambam izilam, ve ighaniir koiņa tana tisov tilalez.

¹⁰ Ve Neer Saghati tau itombaan zi tilam na, Maaron pale isiki izila puura tiina. Ene puura tau yav ighanghan ila, ve maet salfa tau vaazi saghati na izazaa pani. Nugh tawe, ta papazoge tisik gabua saghati yesuru iitete tau propet karom na tizila. Yes tol tawe pale tileep ta sewe, ve tigham yavyavuun tiina kat. Ve yavyavuun toozi irau isov ne mako. Pale igham zi mbonj ve mataaz, ve ighengheen tauvene taghon taghon gha ila. *

Maaron igabiiz tamtamon

¹¹ Ra matag ila le naghita Maaron ileep ila niia to ghamuun pooz. Niia tawe, pisosoonja ve tiina kat. Ve taan tomania gabua naol isov to sambam saamba tighe tighau pa i maata. Eemon lezi nugh eta to tiyoonj pani mako. *

¹² Ve naghita mateegha tisov tiyooz ila Maaron niia to ghamuun pooz naagho. Yes tau ezazi tintiina, ve yes tau lezi ezazi mako na paam. Mako tiraraav rau siriv. Rau tawe, tibodeer ngar naol tau tamtamon tighamgham zi na, ila. Ve tiraraav rau ite. Ene to lepoogh maata yaryaare. Tauvene Maaron maata itaghon rau ru tawe, ve igabiiz zi itaghon ngar toz toz. *

¹³ Saawe tana, te ipul yes mateegha tau tigheen ila loolo na tila. Ve Mateegh tomania nugh to mateegha tauvene paam. Tipul mateegha tisov

* **20:10:** Mbo 11:6; Syg 14:10, 19:20 * **20:11:** Mt 25:31+; 2Pe 3:7, 10+ * **20:12:** Dan 7:9+; Mt 16:27; Ro 2:6; 2Kor 5:10

tila. Ra Maaron igabiiz tamtamon tisov itaghon n̄gar toz toz.

¹⁴ Mako tisik Mateegh tomania nugh to mateegha tila puura tiina tau yav ighanghan ila. Leso tilalez. Yav tawe, ene mateegh imin ru. *

¹⁵ Tauvene sei tau ighe eeza igheen ila rau to lepoogh maata yaryaare mako, ene pale tisiki izila puura tiina tau yav ighanghan ila na. *

21

Sambam ve taan paghpaaghu

¹ Ra matag ila le naghita sambam paaghu ve taan paaghu. Pasaa, sambam ve taan tau tivot imin maata na, tilalez wa. Ve te tauvene paam, igheen muul mako. *

² Ve naghita nugh patabuyaany to Maaron igheen tooni ta sambam we, ve izilam. Nugh tawe, ene Yerusalem paaghu. I igharaat ghi le paghuuna kat, imin livaa tau ighe ila pa vain tamoot tau tisiigho pani na. *

³ Ra naloony bobaany tiina ivot ila Maaron niia to ghamuuny pooz ve ilam ighe: “Aghita. Maaron ighur niia to lepoogh igheen ila tamtamon sosozi wa. Aazne ve ila, i pale ileep tomani zi ve imin Maaron toozi. Ve yes timin i le kat, ve tivalupu zi timin eemon. *

* **20:14:** 1Kor 15:26, 54+; Syg 2:11 * **20:15:** Mt 13:40, 25:41

* **21:1:** Is 65:17; 2Pe 3:13 * **21:2:** Is 61:10; Ga 4:26; Hib 12:22;

Syg 19:7 * **21:3:** Wkp 26:11+; Ezek 37:27; 2Kor 6:16; Syg 7:15+

⁴ I pale imus matazi suuru isov ilale. Ve mateegh, monjiin, tanjiiz, ma yavyavuun irau tivot muul mako. Pasaa, lepoogh to muun, ene isov wa.” *

⁵ Ve neer tau ilepleep ila niia to ghamuun pooz na isaav ighe: “Uloon. Yau naghams gabua ti- sov timin paaghu.” Ve isaav payau muul ighe: “Saveen tsiu tane, ene onoon. Tamtamon irau tighur ila kat. Tauvene uboode.” *

⁶ Ve isaav muul ighe: “Tauta ene. Isov wa! Yau naleep munjaan, ve naleep murei geeg. Yau namin puughu pa gabua naol isov, ve yau ta napasov zi. Isaav ighe tamtamon eta murunu, ene yau aat naghams le yaa maata yaryaare tau bolokbolokia na. Yaa tane, le atuya mako. Pale naghams pani sorok.” *

⁷ Tamtamon tau ighe iyooz ariaan ve iliiv tovaan, i aat eeza pa ghamuun gabua popoia naol tau nasavi zi ne. Ve yau aat namin Maaron tooni, ve i imin natug.” *

⁸ Eemon yes tau tiroi ve tipul ghuruun ila toozi, yes tau tighur ila mako, yes tau ngar toozi injalaan ila Maaron maata mako, yes tau tirav tamtamon timaat, yes tau tighur boog, yes mura, yes tau tibesbees pa maaron karomja, ve tamtamon tisov tau avozi karom na, zeran tauvene niazi, ene puura tiina tau yav ighanghan ve maet salfa vaazi saghati izazaa na. Ene mateegh imin ru.” *

Yerusalem paaghu

* **21:4:** Is 25:8; 1Kor 15:26 * **21:5:** Is 43:19; 2Kor 5:17 * **21:6:** Is 55:1; Yo 7:37; Syg 1:8, 16:17, 22:17 * **21:7:** 2Kor 6:18; Hib 8:10
* **21:8:** 1Kor 6:9+; Ga 5:19+; Ep 5:5; Syg 20:15

⁹ Ra naghita aņela ee ilam, ve isaav payau ighe: “Ulam ve ughita livaa tane. I ta pale ivai Sipsip to Maaron gha imin azaawa.” Muuņ, naghita aņela liim ve ru tikis oon eņaēņa le irau zi. Oon toozi tawe, tivon pa pataņani liim ve ru to ipasov Maaron aatyavyav tooni. Aņela tau isavsav payau ne, i toozi ee. *

¹⁰ Rekia mon ve Maaron Avuvu tapiri izaa tsiau, ve aņela tawe iit ghau nazala loloz tiina ee tau izala kat, ve itotoi nugh patabuyaņ Yerusalem payau. Ene igheen to Maaron ta sambam we, ve izilam. *

¹¹ Maaron mbonari igham nugh tawe isul. Ghi-tooņa ite kat, imin maet milmlia tau atuya tiina, ve imin maet yaspa tau iņgalaņ kat imin galas. *

¹² Ve didiņ ariaaņa ilivuti. Didiņ tawe izala kat, ve le ataman tintiina irau saņavul ve ru (12). Ataman tawe, aņela saņavul ve ru (12) tiņgin zi, ve tibood rumei saņavul ve ru to Israela ezazi ila. *

¹³ Ataman tana, tol tigheen ila pa ragh, tol tigheen ila pa kaagu, tol tigheen ila pa daudau, ve tol tigheen ila pa yavaar.

¹⁴ Didiņ to nugh tawe iyooz izala maet tintiina saņavul ve ru (12) tau timin puughu pani. Maet tawe, tibood Sipsip to Maaron mbaņooņa tooni saņavul ve ru ezazi ila. *

¹⁵ Aņela tau isavsav payau na, i le ai milmlia ee to tovaņ gabua, leso itoov nugh tawe tomania didiņ tau ilivuti na, ve atamana.

* **21:9:** Ep 5:25+; 2Kor 11:2; Syg 19:7+ * **21:10:** Hib 12:22+; Syg 3:12 * **21:11:** Is 60:1+; Syg 22:5 * **21:12:** Ezek 48:30+ * **21:14:** Ep 2:20

16 Anjela itoov nugh tawe malaua tooni, le irau 12,000 stadia. *

Ve tuuku tooni tomania loolo saanja ve izilam, ene raraate mon.

17 Ve itoov didiin le irau ngaari 144. Tovaan tane, ene anjela itaghon tovaan to tamtamon.

18 Didiin tana, tigharaata pa maet yaspa. Ve nugh tiina, ene tigharaata pa gol tau milmiliala ve ngalaanja kat imin galas.

19 Maet tintiina tau didiin arija to nugh tawe iyooz izala pavozi na, tipabood zi pa maet popoiazi sanjavul ve ru tau atuyazi tintiina ve ngeretazi ite ite.

†

Maet tauvene: Yaspa, ene imin maata. Mako sapaia, aget, emeral,

20 oniks, karnelian, krisolit, beril, topaz, krisopres, haiasin, ve amatis. *

21 Didiin atamana sanjavul ve ru, ene tigharaat zi pa gabua sanjavul ve ru imin ngool maata tau milmiliala kat ve atuyazi tintiina. Ve eez tau itaghon nugh loolo, ene tigharaata pa gol tau poia kat ve ngalaanja imin galas.

22 Naghita rumei eta igheen ta sewe mako.

* **21:16:** 12,000 stadia, ene irau 2,200 kilomita ma vene. Ngaari 144, ene irau roov 36 ma vene. Yes ngara siriv tighe 12,000 stadia tane, ene saveej palelaanj. Izaa to Maaron tamtamon tooni tISOV. Yes eval le eval kat. Tanin zi, tarao mako. Tauvene nugh tau yes pale tileep pani na, ene tiina le tiina kat. † **21:19:** Muunj, daaba to watoonrau le gabua imin lugluug tau ituuk ila gargari, ve maet sanjavul ve ru tane tigheen ila. Saveej tane aat puughu tauvene: Tamtamon to nugh sambam (o lupuunj to Krisi aazne paam) irau tileep tigharau Maaron ve tibeep pani imin muunj daaba to watoonrau ighamghamu na. * **21:20:** Igham 28:17+; Is 54:11+

Pasaa, Maaron tauu, ta saksaki ve inġin gabua naol isov na, yesuru Sipsip tooni tileep ta sewe. Tauvene yes tauzi ta timin rumei pa nugh tawe.

²³ Nugh tawe le uraat eta pa aaz ma kaiyo muul mako. Pasaa, Maaron tauu mbonari, tauta isul nugh ve ighamu ighazonġ. Ve Sipsip to Maaron ta imin lam pani. *

²⁴ Nughmarinġ pale tilaagh ila ghazonġa to nugh tawe. Ve yes kinik to taan pale tilonġ tila toman paitonġ toozi, ve tipakur Maaron. *

²⁵ Didiin ariaaġa tau ilivut nugh na, atamana ti-voolvol mako. Tikakaak irau saawe. Pasaa, nugh tawe, ndoroom mako.

²⁶ Nugh nugh pale tilonġ tila nugh tawe toman paitonġ toozi, ve tipakur Maaron.

²⁷ Eemon gabua tau inġalaanġ mako na, eta irau ilonġ ila mako. Ve isaav ighe tamtamon eta ighamgham nġar sasaghati, ma ighamgham karom, i paam irau ilonġ ila mako. Zeran tau ezazi igheen ila rau to lepoogh maata yaryaare tau Sipsip to Maaron inġini na, yes mon ta irau tilonġ tila nugh tawe. *

22

Yaa to lepoogh maata yaryaare

¹ Ra aġela tana itotoi yaa to lepoogh maata yaryaare payau. Yaa tawe, milmilia ve inġalaanġ le inġalaanġ kat imin galas. Ve ivot ila Maaron yesuru

* **21:23:** Is 60:19+; Yo 1:4-5, 8:12; Syg 22:5 * **21:24:** Mbo 72:10+;
Is 60:3, 11 * **21:27:** Is 52:1; Lu 10:20; Syg 3:5, 22:14+

Sipsip tooni niazi to ghamuun pooz, ve ireer ivot.
*

² Yaa tana ireer itaghon bodbodaan to eez tiina tau itaghon nugh loolo na. Ve ai to lepoogh maata yaryaare iyooz ila yaa tana ziige ru. Ndaman tisov, ai tawe iyanoon pai sajavul ve ru. Tauvene anoonja ivotvot irau kaiyo ta naol ne. Ve raua, ene to igharaat nughmarin, leso tileep poia. *

³ Patañani isov tau muun Maaron ighur zi tinarui tamtamon pa sosor toozi, ene tisov wa. Irau tivot muul mako. Ve Maaron yesuru Sipsip tooni niazi to ghamuun pooz pale igheen izi nugh tawe. Ve Maaron besoonja tooni pale tileep ta sewe, ve tibesbees pani. *

⁴ Yes pale tighit katin naagho. Ve i eeza igheen ila ndamozi. *

⁵ Nugh tawe, mbon muul mako. Ve tamtamona lezi uraat pa lam ma aaz muul mako. Pasaa, Tiina toozi Maaron mbonari pale igham nugh ighazon pazi. Ve yes pale tigham pooz irau saawe. *

Malau mako Yesu pale imuul ilam

⁶ Yau naghita gabua naol tane le isov, ra anjela tana isaav payau muul ighe: “Saveen tane, ene saveen onoon. Tauvene tamtamon irau tighur ila kat. Neer Tiina, i Maaron tau ipaburigin yes propet tooni gha tivotia aliinja pa tamtamon. I imbaan anjela tooni ilam, leso ipaghazonai yes besoonja

* **22:1:** Ezek 47:1; Sek 14:8; Yo 7:37+ * **22:2:** Gnp 2:9, 3:22; Ezek 47:12; Syg 2:7 * **22:3:** Gnp 3:17; Ezek 48:35; Syg 7:15 * **22:4:** Mbo 17:15; Mt 5:8; 1Kor 13:12; 1Yo 3:2 * **22:5:** Is 60:19+; Dan 7:27; 2Tim 2:12; Syg 5:10, 21:23

tooni pa gabua tau malau mako pale ivot itaghton
ngar tooni. *

⁷ “Ve ulooŋ. Yesu aliiŋa ilat payo ighe: ‘Malau mako yau pale nalam. Tamtamon tau ighe maata kisin Maaron aliiŋa tau igheen ila rau tana ve itagthoni, ene aat tintini pa poia to Maaron tau pale iza tooni.’ ” *

⁸ Yau Yoan taug naloŋ ve naghit katin gabua naol tane. Anjela itotoi zi payau le isov, ra natap nazi ila aaghe puughu naghe napakuru.

⁹ Eemon i iŋgalsekin ghau ighe: “Wai, ugham vene sov! Yau besooŋa to Maaron imin yo, to-mania toŋvetaz tsio tau timin propet to Maaron na, ve tamtamon tison tau matazi kisin saveeŋ tau igheen ila rau tana ve itagthoni. Tauvene upakur ghau sov. Yo aat uput aghem pa Maaron ve upakuru.” *

¹⁰ Ra isaav payau muul ighe: “Maaron aliiŋa tau igheen ila rau tana, uŋgooza sov. Pa saawe to saveeŋ tana anooŋa ivot, ene ilam igharau wa. *

¹¹ Tauvene isaav ighe tamtamon eta ighamgham ngar tau iduduun mako, ene i ila pa naagho mon! Ve isaav ighe tamtamon eta ighamgham ngar tau iŋgalaan mako, ene i paam, ila p anaagho mon. Eemon tamtamon tau ighe ighamgham ngar duduun, ene i aat maata kisin ngar tana ve itagthoni. Ve isaav ighe tamtamon eta imin Maaron tamtamon tooni patabuyan, ene i paam aat maata kisin ngar patabuyan ve itagthoni.” *

* 22:6: Syt 1:1+ * 22:7: Syt 3:11 * 22:9: Syt 19:10 * 22:10: Syt 1:3
* 22:11: Ezek 3:27

12 “Aloonj. Malau mako pale nalam ve naghur atuya pa tamtamon tisov itaghon ngar toz toz.” *

13 “Yau naleep mungaanj, ve naleep murei geeg. Yau namin puughu pa gabua naol isov, ve yau ta napasov zi. Gabua naol isov puughu, ene yau. Ve gabua tisov tighen to titaghon ngar tsiau.” *

14 Yes tau timin nonoghiinja toozi le tingalaanj, ene aat tintinizi pa poia to Maaron tau pale iza a toozi. Pasaa, yes aat irau tighan ai to lepoogh maata yaryaare anoonja, ve titaghon ataman tilonj tila pa nugh tiina to Maaron.” *

15 Eemon yes tau matazi saghati imin ngavuun, ve yes mura, yes tau tighur boog, yes tau tirav tamtamon timaat, yes tau tibesbees pa maaron karomnja, tomania tamtamon tisov tau lolozi pa ngar to karom ve tighamgham karom na, yes irau tilonj tila nugh tane mako. Pale tileep muuri.” *

16 “Yau Yesu ta nambaanj anela tsiau ilat gha isavia saveenj tane pa yam tau aleep ila lupuunj tsiau irau nugh nugh. Leso napariaanj gham to aghur ilam tsiau. Yau paaghu to David. Yau salunu tau navot ila tooni. Ve yau pitum zaunja to mbonjoozo tau isul kat.” *

17 Maaron Avuvu yesuru livaa tau ighe ivai na, tisaav tighe: “Ulam!” Ve yes tau tiloonj saveenj tane paam, tisaav raraate tighe: “Ulam.” Isaav ighe tamtamon eta murunu, o ilam ighun yaa maata yaryaare tau le atuya mako ne.” *

* **22:12:** Mt 16:27; Ro 2:6, 14:12 * **22:13:** Is 44:6, 48:12; Syg 1:8,

21:6 * **22:14:** Gnp 3:22; Syg 2:7, 7:14, 21:27 * **22:15:** 1Kor 6:9;

Ga 5:19+; Syg 21:8 * **22:16:** Nam 24:17; Is 11:1+; Syg 2:28, 5:5

* **22:17:** Is 55:1; Yo 7:37+; Syg 21:2, 6

Yoaan isaav ariaaŋ pa yes tau tiwaat saveeŋ tooni

¹⁸ Tamtamon tISOV tau ighe tilooŋ Maaron aliija tau igheen ila rau tane, yau avog iyaryaŋ pazi naghe: Isaav ighe tamtamon eta iseeŋ saveeŋ ite paam ila tomania Maaron aliija tane, ene aat Maaron ighur patanani tau rau tane isavia na iza a tooni. *

¹⁹ Ve isaav ighe tamtamon eta ipas Maaron aliija siriv tau igheen ila rau tane ve ipuli, ene aat Maaron imus eeza ighau. I irau ighan ai to lepoogh maata yaryaare, ve ileep izi nugh patabuyaŋ tau rau tane isavia ne mako. *

²⁰ Tauvene ŋeer tau ivotia gabua naol tane ve ipariaaŋ saveeŋa na isaav ighe: “Onoon kat, malau mako pale nalam.”

Ene onoon. Yesu, Tiina tsiei, ulam lak! *

²¹ Poia to Tiina toit Yesu iza a to yam asov. Onoon.

* **22:18:** Lo 4:2, 12:32

* **22:20:** 1Kor 16:22

* **22:19:** Igham 32:33; Mbo 69:28

**Maaron Saveeng Tooni Patabuyaang
The New Testament and portions of the Old Testament
in the Tuam dialect of the Saveeng language of Papua
New Guinea. The Saveeng language is also called the
Mutu language.
Sampela hap Buk Baibel long tokples Saveeng Tuam
long Niugini.**

copyright © 2011 Wycliffe Bible Translators, Inc.

Language: Saveeng (Mutu)

Dialect: Tuam

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-31

PDF generated using Haiola and XeLaTeX on 18 Apr 2025 from source files dated 31 Aug 2023

adb844f0-d769-5b05-9dd0-7c01fca938bb